

李文忠公奏稿

李文忠公奏稿

卷之六十八目錄

查覆部駁海防經費摺

光緒十六年五月初三日

頤文彬建專祠片

光緒十六年五月初三日

查驗平遠兵船摺

光緒十六年五月十一日

周盛傳建專祠片

光緒十六年五月二十二日

籌措撥款辦理急撫摺

光緒十六年六月初九日

借撥出使經費報銷摺

光緒十六年六月十五日

運米入京平糶摺

光緒十六年六月二十一日

周馥吳廷斌辦理永定河摺

光緒十六年六月二十七日

推廣賑捐摺

光緒十六年七月初二日

裁止江浙賑捐片

光緒十六年七月初二日

永定河勘工請款摺

光緒十六年七月十九日

分籌永定工需片

光緒十六年七月十九日

海防練軍請銷摺

光緒十六年七月二十九日

修建正定貢院摺

光緒十六年七月二十九日

丁壽昌請卹片

光緒十六年七月二十九日

李文忠公奏稿卷六十八

全集一之六十八

桐城吳汝綸編錄

光緒十六年五月初三日

查擬部駁海防經費摺
奏爲光緒九十兩年及十一十二兩年北洋海防經費案內兵部
刪查各款現經彙案逐一查擬仍請照銷恭摺仰祈

聖鑑事竊准兵部核復光緒九十兩年並十一十二兩年海防報
銷各案內有刪查各款當飭支應局司道查擬核辦茲據該司道
詳稱光緒九十兩年登擬案內道員唐廷樞在法國坐探軍務等
電報十七次前經兵部行查每字價若干當以部覆七八兩年銷
案內行令嗣後定購外洋軍械軍火電報字價詳細分載此次唐
廷樞坐探軍務事多機密與定購軍械等項不同且在未定部章
以先自當循舊造報覆請准茲兵部仍令開報字數並令將中

國電外洋各國官報價值章程鈔錄送部查唐廷樞在法國所寄電報均係由外洋電報公司遞相轉寄該公司向按時價連譯費等項開總數收取報費並不載明每字價若干確數且部章總以奉文之日爲始上屆部覆係十四年三月奉到前項電報係十一年以前所寄其時尙未定有發電應報字價部章通行各處故唐廷樞寄報時並未向西洋公司將字價詢明無憑分晰報部至電報價目除官電本綫因公寄報向不給費外其中國商綫均係由商經理報費時有增減以與洋商爭衡不能官爲強定不易之規致礙商電大局至外洋海綫寄報如何章程中國更無從過問嗣後自應按照時價分晰字數據實造報無從鈔送章程所有行查銀七百五十九兩一錢二分二釐四毫九絲應請照數准銷又專雇招商局輪船裝噸械車火各物由天津上海運至山海關旅順

口等處水腳共十款前經兵部策同天津旅順營口金州等處裝運官弁勇夫四款一併行在每噸增每員各給水腳銀若干當以光緒九年間送部輪船水腳章程案內聲明順便搭載可照定價若專雇則須另議難繩以畫一官例致拂商情奉部覆准照辦此次所支水腳內有專雇各款係照章程另議其搭運至旅順口山海關等處皆非通商口岸係由便輪繞道運往向無應收水腳若干定章隨時酌給津貼均不按噸擔員名核算聲復並將續定旅順口等處水腳章程隨案報部聲明自十一年起凡搭載則照章支給若專雇則仍須另議茲兵部復令分晰噸磅支數查專雇輪船向照招商局與洋商公定規例按該船成本保險辛工煤炭雜支各款彙總議給水腳此係以船爲準並非以貨爲準故不按噸磅核算惟專雇一船無不滿載較按噸按擔核給水腳既爲節省

而裝運官物尤必格外減讓如本案旅順營口等處裝運弁勇人等水腳均係專雇之船彙總議給據實開報現經兵部核以續定章程均屬有減一概准銷由此類推前項裝運敵火水腳絕無浮多已可概見且專雇輪船必須另議不能繩以畫一官例經部復准照辦有案自應按照定章辦理其中搭運至旅順口山海關等處礮械各物前已聲明係由便輪繞道運往且在未經定有水腳章程以前故從減酌給津貼本未較準噸磅數目勢不能將從前運往各物復一一核而權其輕重所有行費銀一萬一千九兩七分五釐一毫五絲六忽九微應仍請照數准銷又十一十二兩年報銷案內除劃歸工部核銷房棧租及津貼駁船油船等銀三百四十六兩七錢八分二釐七毫業奉工部行令歸入下案造報並將全冊總數少結銀九分七釐二毫業經更正外計刪查各款內

桿雷小輪船管駕人等六員各月支新糧公費銀八十六兩兵部
以未據奏咨有案又水師各船鎗正副教習三十名每名月支
銀十五兩至二十兩不等以未造花名行令聲復開報查桿雷小
輪艇卽上案水官輪艇此係照案接支更正船名並非新添之船
亦未增減薪糧毋庸再行奏咨其鎗正副教習二十名前由海
軍提督丁汝昌選充時酌定等級餉數計正教習李貴林永孟玉
發唐建冬黃生基翁義年葛長清于連曾等八名各月給銀二十
兩副教習江杜劉上林張華春任亨黎潘細第林興黎張士魁張
鎮潘恆言張金甲陳金海張瀚清等十二名各月給銀十五兩所
有行查銀二千六百九十八兩二錢六分六釐五毫應仍請照數
准銷又威遠練船學生雇用雜髮匠一名兵部以各船所無又屯
船醫士一名以六鎮蚊船各配管駕人等五十三員名每二船設

醫士一名該船十三員名設醫士一名比較過極行令刪除查雜
髮匠各船皆有係在公費內開支此項學生並無公費威遠船原
有之匠又不敷用且該學生等盡在幼年恐以雜髮爲名託故登
岸致涉荒嬉是以專用一匠俾供職役其屯船醫士該船額設督
操人等雖僅十三員名而練勇四百餘名除以一半分撥康濟威
遠兩練船外其餘皆在屯船操習是該船弁勇人等實有二百餘
員名添設醫士一名較六鎮蚊船並不爲優所有刪減銀五百四
十二兩八錢應仍請照數准銷又咨調閩廠千總陸麟清來津差
遣照閩廠原支月給薪水洋銀一百二十元兵部行令將准銷成
案錄送查千總陸麟清前派監造鐵甲船工月給薪水洋銀一百
二十元由閩廠折合庫平價銀八十六兩四錢按月整發業經歸
人訂造三艦款內撥還造報經戶工二部奏明准銷並分咨兵部

有案毋庸再行鈔送且該平總調津以後卽派充鐵甲船總管輪前赴滬閩香港一帶選募三艦需用管輪人等預先教練以備撥用若按鐵甲餉章總管輪每月應支銀一百三十兩現支一百二十元合銀僅得過半而往返川資旅費概未請領是無論原支若干揆以稱事授精已屬格外核減所有行查銀四百七十二兩七錢九分一釐七毫八絲應仍請照數准銷又操江輪船月給公費銀二百十兩兵部以曾否奏明有案並有無在南洋支過行令查明報部其督土一名行令刪除查操江輪船自同治十年調赴南洋巡哨應用油燭紙張向由南洋每月支給銀三十兩其水綫以上零星修理並應用油棉紗旗幟號衣等項由天津機器局墊辦再由南洋撥還每年約需銀三千餘兩大修尚不在內光緒九年間經南洋者准改由北洋支給嗣因該船歸水師副統領洋員

琅威理乘坐隨同各船操巡凡隨時應用料物需費甚繁刻不可
緩若赴天津機器局請領動需時日必誤事機該管帶又無款可
墊當經水師統領稟准比照北洋各兵船月給行船公費銀二百
四十兩既免貽誤且有限制除由南洋月領油燭紙張銀三十兩
外北洋實計發公費銀二百十兩所有水綫以上零星修理並應
用車油棉紗及旗幟號衣等項均不得再行開支較向由機器局
每年支用三千餘兩之數更爲核減其添設醫士一名係因該船
官弁人等終年操巡海上栉風沐雨冒暑衝寒涉厲最易相侵療
治不容稍緩無論全船人數多寡皆應設有醫士以備緩急況該
船設管駕人等七十餘員較之六鎮人數爲多雖六鎮每二船
設醫士一名而六鎮係屬守船以二船共守一日故可共設一醫
該船係屬巡船周歷無定洪濤巨浸之中咫尺千里設有急症他

船不能兼顧必須專設一攤所有行查銀一千二百三十九兩並
刪銀一百六兩二錢應仍請照數准銷又護甲營弁勇二百名往
返仁川每名津貼輪船飯食銀六錢兵部以未開明每日支銀若干共若干日行令查明報部查前項津貼水係酌量核給按旅順
至仁川往返共須四日每日應攤銀一錢五分所有行查銀一百
二十兩應仍請照數准銷又軍械所雇大車裝兵鎗等項由大沽
包運至軍械所每輛價銀一兩五錢兵部以水將程途里數開報
並以車輛與銀數不符行令聲復查大沽至天津城內軍械所陸
路計一百餘里前項大車係按照民價雇定包送並不以里數爲
準至所雇車輛運送兵鎗等項共重六萬九千餘斤共雇大車六
十九輛每輛約裝一千餘斤冊開三十九輛實係繪寫錯誤應即
隨案更正所有行查銀一百三兩五錢應仍請照數准銷又暫濟

輪船由天津裝拉火子彈等物赴山海關內差弁一員支水腳銀五兩兵部以立案所無行令刪除查立案與銷冊不同立案祇摘敘案由開報總數銷冊須分別名目造具細數該弁係派令押送軍火故立案冊內卽將差弁水腳歸入軍火水腳彙總開報今銷冊總數悉屬相符並無多支所有刪除銀五兩應仍請照數准銷又專雇輪船赴澎湖裝官弁勇夫至廈門又鐵錠由滬運至煙臺又上海地亞士洋行轉運鐵牛礮彈等項至天津又英商帶水駁船裝運礮械等件至天津又專雇輪船裝礮位等件由天津旅順等處運至山海關又專雇輪船由天津赴香港裝礮位等件運至天津旅順等處又專雇輪船由滬裝礮位等件至天津共七款支過水腳銀八千九百七十六兩九錢一分一釐六毫六絲四忽三微九纖兵部以未分晰頤曆員各行令將細數報部查前項七款

內招商局輪船水腳四款均係專層之船不按噸擔貿名核算與
九十四兩部貢各款事同一律業經詳細釐覆於前其鐵錨由滬
至煙臺運腳保險等費又地亞士洋行轉運鐵件等項由滬至天
津又英商帶水駁船裝礮械等件由大沽至天津均係外國輪駁
等船承裝該洋商不諳中國規例向係約估貨件由軍械所彙總
議給不能執招商局搭載貨程雖以相繩委實無從分晰所有行
查銀八千九百七十六兩九錢一分一釐六毫六絲四忽三微九
纖應仍請照數准銷又截留招商局海琛輪船差遣朝鮮等處每
日用費銀一百八十餘兩及二百三十餘兩不等兵部以該船係
赴朝鮮何項差遣並所運何物行令聲明報部查該船係派赴朝
鮮偵探巡哨及轉迎各兵輪駁械煤糧等件以備不虞所有行查
銀二千九百八十兩二錢六分四釐應仍請照數准銷又第五十

八款內雇泅水打凌夫每名給銀一兩行令查明雇用幾日又烘
冰柴草每百斤價腳銀二錢行令查明價值若干運腳若干查前
項用款係因光緒十年冬間赴援朝鮮臺灣各軍由山海關乘輪
前往海口冰堅冊不得進經升任正定鎮總兵葉志超雇覓打凌
夫以鑿開冰路爲度每名酌賞銀一兩並非按日而計其所購烘
冰柴草卽令賣戶包送價腳併計每百斤給銀二錢較月雇挑夫
爲省又第八十二八十七九十二九十八等四款內撥還上海勘
驗軍火局地面上洋行起卸兵鎗鎗子礮位電燈火藥機器等件
租用起重架駁船帆轆並驗保各雜費行令查明每項幾日及如
何開支並保險各物原價若干查前項租用洋商起重架等件起
卸鎗礮各物事極繁瑣若逐項按日計算不免多立名目稽延時
日是欲求惜費而所費轉多故遇有洋商交涉率皆責令承包將

一切費用格外從減與之簽總議定俾免局生枝節其保險一項
報部輪船水腳章程內稱貨值千兩自滬至津收保費實銀三兩
雖係以貨價定保費實係以保費定貨價如貨值萬金而保費祇
按千金估給儻中途失事保險行家即按千金認賠其千金之貨
而按萬金估給者亦然皆不以各物原價爲憑如此次第八十二
款內兵鎗一百六十七箱計四千桿原價四萬二千餘兩鎗子二
千箱計二百萬粒原價三萬二千餘兩照章共應給保費銀二百
二十餘兩現僅支銀一百九十一餘兩係由勘驗局從少估給雖較
定章有減實與原價不符其餘各款亦復類是又第八十五款內
裝運齋堂煤寄存招商局棧擡力包袋每噸銀一錢五分七釐二
毫一絲四忽又齋堂煤並焦炭運至旅順每噸水腳銀七錢行令
查明係由何處運至招商局及旅順各計程若干又仁川口卸運

水師備用煤每噸預運各力銀三錢八分行令查明照何例章支
給查齋堂煤寄存招商局棧卽由紫竹林碼頭擡至該局棧房其
運至旅順煤炭係由天津搭裝輪船運往并不按程核計其仁川
口預運煤噸各力係按照該處民價核給并無例章可比又第一
百一款大沽船賜由內河及大沽口沙外運交各兵輪煤炭每噸
駁費銀自一兩六分至五錢不等行令查明各計程若干查大沽
船賜運往各兵輪煤噸潮汐時有長落卽路程時有遠近通扯搭
算其在內河運交者約四五十里山海至大沽口運交者約六七
十里在大沽口沙外運交者約百餘里其運至沙外原定每噸銀
一兩六分嗣於十二年間經該賜詳明核減二錢業於立案冊內
詳細聲明按年照章造報所有行查銀八千三百六十五兩七釐
八毫三絲一微應仍請照數准銷等情具詳前來臣查前經戶部

核覆光緒元年至六年洋員支款案內聲稱本部核銷各項總以
例章奏案爲憑惟非洋所發各節亦係實在情形以前用款應由
該大臣自行奏明辦理當將元年至六年以及七八兩年非洋海
防報銷經部駁查各款逐一據實登覆奏請准銷奉

旨著照所請該部知道欽此並將九十及十一十二等年戶部駁
查各款先後撥來奏請准銷亦皆仰荷

俞允茲九〇及十一十二等年遣歸兵部核銷各款事同一律且
均係力求撙節實用實報事多中外交涉並無例章可循應請
旨飭下兵部照數准銷以清案款理合恭摺覆陳伏乞

皇上聖鑒訓示謹

奏

顧文彬建專祠片

光緒十六年五月初三日

再據江蘇紳士前河東河道總督吳大澂前奉天府府丞朱以增等聯名呈稱元和縣已故紳士布政使銜原任浙江甯紹台道顧文彬由進士刑部郎中

京察一等以知府發往湖北辦理營務歷經前湖北撫臣胡林翼保薦升任武昌鹽法道咸豐十年丁憂回籍時值粵匪竄陷蘇州巡撫移駛上海江浙避亂商民不下百萬東南大局全恃涸瀆一隅賊氛近逼屢瀕於危顧文彬於十一年九月奉

旨幫辦江南團練與官紳謀設會防局調和中外襄籌防剿是年冬間賊由乍浦連陷奉賢金山川沙南匯等處東路僅隔一浦西南路之賊亦祇距城數里城外防兵潰敗守城之兵不習戰陣洩城岌岌可危商民一夕數驚顧文彬力言於當事謂非易易勁旅

事必無濟其時兩江督臣曾國藩已克安慶沿江東下兵力可以

分援遂首創乞師之議與官紳力籌鉅款雇備輪舟赴皖於同治元年三月迎臣統師來沮人心始安竟以孤注重闇出險長驅削平巨寇恢復蘇省東南大局轉機實由於此蘇垣新復會有減賦之舉顧文彬參議章程多所贊決甫經兵燹百度俱廢顧文彬辦理善後盡心籌畫鄉里公事賴其經營者不可殫述九年補授浙江南紹台道尋以疾告歸光緒十五年十一月在籍病故令城士庶追念前功無不感歎竊維祭法有功烈於民者則祀之今顧文彬力挽時局功在桑梓宜有合於禮經祀典懇爲授例具奏乞

恩捐建專祠上荷

朝廷旌獎之榮下伸甲黨簪否之報等情請奏前來臣維平吳之役雖係將士百戰之功而失中士大夫力支危局以待援軍實爲

恢復根本顧文彬與已故中允馮桂芬候選道潘曾瑋合謀設立
上海會防局並定迎師安慶之計卒能以孤懸之地一隅之力聯
絡中外規復東南至今蘇人士盛稱此三人而馮桂芬且以迎師
一役筆之於書歸功顧文彬以爲稱首蘇城既復顧文彬辦理善
後各事盡心籌畫頗爲士民所懷臣昔在兵間知之最悉馮桂芬
潘曾瑋歿後並經癸蒙

恩旨允准建立專祠顧文彬係嘗時同功一體之人合無仰懇

天恩俯准該紳等所請爲已故紳士顧文彬在原籍捐建專祠由
地方官春秋致祭以順輿情而彰蘊績如蒙

前允再由臣咨行兩江督臣江蘇撫臣知照理合附片陳請伏乞
聖鑒訓示謹

直誠平遠兵船

光緒十六年五月十一日

奏爲開廠試造雙機鋼甲兵船改名平遠駛抵津沽經臣出海查驗據實奏陳仰祈

聖鑒事竊查光緒十一年十一月初二日奉

上諭現當創辦海軍之際洋面兵船自應次第籌備以資操練著裴蔭森卽將新式雙機鋼甲兵船先行試造一號如果試驗合用將來再行奏明陸續添造等因欽此今開廠遵製雙機鋼甲船一艘業經造成茲據船政大臣裴蔭森奏明在案臣與該大臣往返電商改名平遠可與北軍定遠鎮遠等鐵艦合隊卽交海軍提督丁汝昌統率非止本年二月間准總理海軍衙門奏此項船隻係奉

特旨飭造究竟合用與否必須詳加考察由臣鴻章於該船駛到

北洋時親加查驗果否堪供海戰之用再派撥入軍操練等因適

丁汝昌

上年九月督帶定遠等船赴南洋各處操巡

臣防該提督

先在上海驗試復令回閩添配一切應用器具本年四月間該船

隨同北來仍飭丁汝昌帶赴大連灣

面妥細覆驗船行速率以

昭慎重

旋據丁汝昌文稱上年九月間平遠鋼甲船行至上海小

抽汽機折損就地

修理完固因將該船速率試驗三點鐘之久

推算風差水滔每點鐘約近十一海里

機器艙位各工程大致妥

貼惟須添配

一切開列清單仍令管帶學生黃鳴球等駛回閩廠

趕緊添配

本年四月十一日隨北洋各船同抵威海二十四日駛

赴大連灣

一帶試驗速率因船底苔蘚阻滯計每點鐘順潮祇行

十海里零百分之七十七逆潮每點鐘祇行九海里零百分之七

十三順逆潮水率合計每點鐘約行十海里百分之二十五查

船政大臣原奏估造該船每一時行八十里計每點鐘行四十里
合十二海里船身長十七丈三尺九寸喫水深一丈三尺三寸全
船載重一千八百噸實馬力一千七百匹續奏船身改長十九丈
七尺喫水深一丈三尺一寸全船載重二千一百噸實馬力三千
四百匹較之上年冬閒在上海試驗該船速率每點鐘行十一海
里比原奏少一海里較之今年四月閒在大連灣試驗該船速率
每點鐘行十海里百分之三十五比原奏少一海里百分之七十
五現驗喫水一丈五尺六寸較原奏喫水加深三尺三寸較續奏
喫水加深二尺五寸現驗馬力二千二百四十四匹較原奏馬力多
五百四十四匹較續奏馬力少一百六十四匹機器鍋爐等件試驗尙
屬平穩惟考此船病在喫水太深故行使遲鈍由於製造機器與
船身時合算未精所致竊思泰西各國製造船械精益求精亦歷

數百年幾經改易而後能臻此強盛是年奉派赴英國監收快
船曾歷英德法各官商製造廠見其凡造船必有圖樣存廠將
製造利病一一註明俾資考究良以創造一器難遽盡善盡美其
苦心孤詣誠非易事今中國講求製造不過二十餘年閩廠試造
鋼甲兵船事屬創始該委員魏瀚陳兆翱等雖在外洋學習製造
並監造鐵甲船工稍有心得而初次試造鋼甲兵艦有此規模已
屬難得若遽繩以萬全無弊是阻其要好之心人才何由奮興製
造何由精進該船現已駛抵沽口理合據實陳請緊核親臨驗收
並乞

奏明徐籌款項仍責成該製造委員等再行詳細推算另繪圖式
仿造以期進益庶不失
國家創設船政自強之至意等情前來臣即於五月初七日卯刻

率同水師營務處臬司周馥道員羅豐祿津海關道劉汝翼等山
火車鐵路馳往大沽口乘小輪船由海距該船停泊處六十里登
舟查驗機器船位大致尙妥立時啟碇開駛大洋來往各八十里
閱四點鐘與丁汝昌在大連灣所驗速率無異其鋼甲鍋爐等項
均係新式洵屬精堅合用惟嫌喫水過深行駛稍緩較之定遠鎮
遠兩鐵艦固多不及卽較之致遠靖遠經遠來遠四快船速率尤
少而製價實較節省以之歸隊操練聊助聲威尙未可專任海戰
該製造員匠等從此精愈求精當能進而益上業飭丁汝昌酌派
管爲安置操演冀成勁旅臣於是日戌刻仍乘火車回津所有出海
查驗平遠鋼甲兵船情形擬實恭摺由驛具陳伏乞

皇上聖鑒謹

奏稿六十八

三

周盛傳建專祠片

光緒十六年五月二十二日

再據署青縣知縣宋湛然詳稱據紳士前任定州訓導劉楓林等聯名呈稱原任湖南提督周盛傳於同治七年追勦捻匪山天津傍運河而南犯之山東境內津南州縣賴以保全十年統軍來津駐紮青縣之馬廠地方十餘年來兵民相安青縣毘連滄景濱海要區舉匪出沒巡守保護商民帖然光緒三年山境旱荒該提督首倡義賑全活萬眾厥後頻遇災歉施衣施粥貧民多免飢寒其最有功地方者尤在督軍創辦減河各工洩盛漲以歸海變斥鹵之害爲久遠之利身歿之日遠近奔問設位私祭者相屬於途該提督已奉

旨准於立功省分建立專祠仰見
聖朝憫念勞臣有加無已況於屯防之地功德在人宜有祠祀以

副民望紳等正在渠議捐建而鄰近之文安大城交河獻縣靜海
泊州各屬紳民不期來會咸願列名出資共爲該提督建立專祠
憇山地方官春秋致祭等情呈請具奏前來臣維已故湖南提督
周盛傳戰功平迹久在

聖明洞靈之中西捨一役轉戰

幾有論功甚偉自調津沽統領防軍十餘年紀律嚴明士民信服
駐軍之地營田水利百廢並興耕者雜於居民之間賑飢濟河遠
近戴德綽有古名將風軌其經畫成績業經臣於該提督出缺請

卹案內詳細

上聞青縣紳民感其舊恩臚列實政呈請捐建專祠附近各州縣
間風而集萬口一聲足見遺愛在民公論允協合無仰懇
天恩俯准所請爲已故提督周盛傳在青縣捐建專祠列入祀典

由地方官春秋致祭以順興情而彰益烈理合附片陳請伏乞
聖鑒訓示謹

奏

籌捐撥款辦理急撫摺

光緒十六年六月初九日

奏爲天津等處地方雨水過大災象已成現在籌捐撥款辦理急
撫恭摺仰祈

聖鑒事竊直省自入夏後雨澤愆期旋經數次得雨地脈濡足秋
成本有可望五月二十一日以後陰雨淋漓水勢逐漸增長窪區
被淹各河均出險工廳飭將積水設法疏泄河隄認真搶護詎自
二十九日起至六月初六日大雨狂風連宵達旦山水奔騰而下
勢皆傾倒各河盛漲驚濤駭浪高過隄頭永定河兩岸並南北運
河大清河及任邱千里隄先後漫溢多口上下數百里聞一片汪
洋有平地水深二丈餘者廬舍民田盡成澤國人口牲畜淹斃頗
多滿目秋禾悉遭漂沒實爲數十年來所未有天津爲九河尾闾
地本低窪加以東風鼓浪海潮倒灌水難宣洩城外練軍營區並

機器製造各局皆在洪波巨浸之中官署民房多有坍塌驛道均
被阻斷各路電綫亦多摧折文報消息不通省城西南各郡情形
如何尙未可知第就近津一帶而論民間廬舍本多用土砌築雨
淋日久酥裂不堪一經浸入洪濤無不牆傾屋圮小民或倚樹營
巢呼船渡救或挈家登陸逃避無方頹沛流離悽慘萬狀幾於目
不忍覩耳不忍聞臣不職無狀致遭滲戾愧疚之餘莫不悚懼現
在立秋節近縱使開霽放晴趕消積潦亦祇能補種尋夢等類況
仍陰雲密布雨意尙濃如再霪霖不已更屬不堪設想窮民生計
維艱來津就食者眾必須先辦急撫暫濟目前臣率同司道府縣
竭力倡捐並諒勸紳商集資助賑多設廠棚散放船粥以資存活
祇以頻年災歉捐務已成弩木直省又係缺額之區難籌鉅款惟
急撫要需刻不容緩不得不設法籌湊已傷田藩庫湊撥銀三萬

兩長官迎庫撥銀二萬兩保定練餉局撥銀一萬兩遊派廉幹之員分投被水較重各處會同地方官查明擇要核實賑濟以仰副聖主軫念災黎痛痒在抱至意除檄飭被水各州縣查明災歉分數稟報到日再行纂核具奏並俟永定河道將漫口詳細情形稟到專摺奏參外所有天津等處雨水過大災象已成籌捐撥款辦理急撫緣由理合恭摺由驛馳陳伏乞

皇上聖諭訓示謹

奏

借撥出使經費報銷

光緒十六年六月十五日

奏爲查明北洋借撥出使經費擬請就款開除作正報銷以清案
款恭摺仰祈

署鑑事務准總理各國事務衙門咨發銷江海關一百九結至一
百十二結出使經費並請

飭催歸還借撥各款鈔錄原奏咨行欽遵查照等因當經營飭海
防支應局司道查得原於北洋購辦西洋火器借用銀四十萬兩
一款尙應還銀三十三萬二千四百七十三兩七錢六毫辦辦電
纜北洋應還銀四萬兩購辦青銅鎗鎗鑄鉛子借撥銀一萬七千五
百三十八兩八分八釐購辦西洋火器續借銀四萬一千二百五
十九兩九錢八分二釐八毫查此款內有墊付浙江購買黎蕙鎗
價銀二萬三千六百九十二兩五錢一分八釐二毫應歸南洋借

撥由浙江歸還又重列鉛子工價銀一千三百六十二兩四分八
釐已據江海關道更正收回前已奏明在案計續借一款實止銀
一萬六千二百五兩四錢一分六釐六毫統計實欠電綫經費銀
四萬兩西洋火器並青鉛子價銀三十六萬六千二百十七兩二
錢五釐二毫內除原領西洋火器浙江省應還銀五萬八千八百
三十兩五錢九分一釐八毫廣西省應還銀八萬七千四百十七
兩八分九釐臺灣應由福建移餉內割還銀五萬七千一百四十
九兩一錢三分九釐八毫前因久懸難歸經臣者准總理衙門覆
稱各省既皆不能歸還應行奏明辦理旋經閩浙廣西督撫臣奏
謂免繳復經總理衙門議駁各該省庫儲奇絀無款可撥均屬實
情能否設法籌還應仍由各該省自行察酌奏辦又撥剩西洋火
器現在嚴密存儲合銀三萬七千六百二十一兩八錢二分一釐

一毫應俟何處領用方能按價收還外計雲南河南兩省並保定
練餉局已繳還銀六萬二千三百三十八兩一錢三分七釐四毫
一絲六忽又付價餘銀一萬七千二百十三兩三錢六分一釐四
毫八絲四忽此項繳還並餘剩共合銀七萬九千五百五十一兩
四錢九分八釐九毫前於光緒十三年因天津機器局驟停部餉
銀十二萬兩經費頓絀經海軍衙門奏准

懿旨允准由戶部歲撥洋藥稅釐銀十萬兩疋明未到之先由臣
暫行籌款辦理時值該局仿製各種新式軍火添購機器料件需
款甚亟別無可籌經臣奏明將前項銀七萬九千餘兩移緩就急
儘數撥用擬俟十三年洋藥稅釐撥到歸款託此項稅釐戶部自
十四年撥起以致墊款無從歸結此外銘盛兩軍並津勝營領用
軍火應還銀四萬五千六百四十七兩六分四釐六毫前經奏明

本擬由海防支應局在於提用淮餉項下撥還今所提淮餉因海
防用款繁鉅早已動支無存無可撥還又籌辦電綫一款係遵
旨接造瀋陽至鳳凰邊門以達朝鮮電綫使中高麗惠靈通控馭
便捷關係緊要前因此款北洋無從籌還門經奏請就款開除歸
人北洋設繩案內核實造報現在北洋創辦海軍用款浩繁每歲
薪餉並工需雜費均係撙節預佔由海軍衙門指撥縱使照數解
足一年僅敷一年之用斷不能歸還前欠況各省關撥款都解多
求足數甚有解不及半者實屬萬分竭蹙更無力可以騰挪是前
項北洋欠款歸還無期與其日久懸宕徒煩催臘何如作正開銷
早清案款查現在出使經費據江海關冊報截至一百十六結已
積存銀一百六十餘萬兩源源繼長開支有餘總理衙門統籌全
局洞悉外省艱窘情形所以前有各省不能歸還應行奏明辦理

之議今北洋庫款姦竊萬狀前項借撥應繳各款左右籌思實係無力籌還矧此項出使經費福建應還軍火價銀並雲南吉林應還電綫經費均已奏准免繳作正開銷北洋事同一律所有挪墊機器局光緒十三年分製造經費並前撥鉛盤等軍軍火價銀及籌辦濟陽朝鮮一路電綫經費共銀十六萬五千一百九十八兩五錢六分三釐五毫合無仰懇

天恩俯念北洋庫款奇絀前項借款委係無力籌還准予作正開銷以公濟公於務項並無出入理合據實恭摺復陳伏乞

皇上聖鑑敕下總理各國事務衙門查照謹

奏

運米入京平糶光緒十六年六月二十一日

奏爲遵

旨招商運米進京糶貢免繳捐稅以平糧價而濟民食恭摺仰祈聖鑒事竊准官機大臣字寄光緒十六年六月十三日奉

上諭御史何福堃奏京師雨後商賈不前糧價騰貴請飭招商運米來京糶貢並請免捐稅等語著李鴻章就近於天津地方出示招商販運米糧來京俾糧價得以稍平貧民藉資糊口如有應繳捐稅著暫行一律算免欽此臣在京城及天津等處審兩兼旬平地水深丈餘災象甚重糧價騰貴窮民乏食堪虞亟應招商運米糶貢藉平市價惟天津產糧無多向須取給於南省而南省產米以安徽蕪湖江北裏下河等處爲最多上年兩江督臣曾國荃因江蘇各處水災秋成失望奏明將蕪湖上海等處米石禁止出口

南米來源驟斷津市存糧極少價亦甚昂今值

畿輔被災民食缺乏欽奉

諭旨由天津招商運米進京津市既無米可運聞江南北年景可
望豐收自應將上海蕪湖等處出口米石卽行弛禁酌量寬免捐
稅俾各商多沾利益樂於販運得以源源接濟卽經分電飛致兩
江安徽督撫_臣迅速照辦並電飭江海關道輪船招商局勸諭眾
商運米來津多多益善一面檄飭天津道並津海關道趕緊出示
曉諭招商運米赴京耀貢一律免徵進口釐稅藉廣招徠昨已據
招商津局道員黃廷芳稟請給照飭商在津湊集白米三千石先
行運京以應急需隨後仍陸續給照之運旋准兩江督_臣曾國荃
從電上海米禁已開業飭江海關道迅運津京之米不拘多寡概
行給照免稅驗放無湖米糧亦飭開禁由輪船報運免交釐捐仍

照章完稅出口以杜圖混等因查商買賣易惟利是圖值此京津
糧價騰貴遠近釐稅准其分別免交利之所在販運爭先糧艘自
可銜尾而至迨來者既多市價必跌於災區生計有裨至近津一
帶民閒多食雜糧奉天營口爲雜糧屯聚之所亦傷船商前往采
辦分運糴貢如此設法分投招商運糴糧食無虛缺乏貧民藉資
糊口庶可仰慰

宸廬所有遵

旨辦理緣由理合恭摺由驛稿陳伏乞

皇上聖鑒謹

奏

周馥吳廷斌辦理永定河摺

光緒十六年六月二十七日

奏爲欽奉

諭旨現派大臣馳赴永定河工次籌堵漫口恭摺覆陳仰祈

聖鑒事竊承准軍機大臣字寄六月二十三日奉

上諭前據李鴻章奏永定河北上汛漫口當經諭令督飭員弁迅速
築堵現在被淹各處例民偏野大溜所經偏近京師若不迅速
堵合嗣後情形何堪設想著該督嚴飭在工各員趕緊集料興工
剋期蒇事毋得藉詞遷延致干重咎並將現在如何籌辦之處卽
行覆奏等因欽此臣伏查今屆雨水過大致疏河防上貽

宮廷宵旰之極下視閩閭流離之狀臣與該河道等省懲負疚寢
饋難安取謀所以挽救之術無如時值庚伏暑雨間作汛期正長
雖據永定河道萬培因稟報自漫口後水勢接踵續漲猛悍異常

口門坍刷更寬東西壩頭挂柳進占盤築裏頭隨築隨走尙無把握向來堵口大工總在秋深水涸稍料刈穫之際購辦較易省費亦多目下被淹地廣秫稻本未長成多已浸壞雖出重價無從采購就常理而論必須八九月間高岸地方新料登場遠處購運源流濟用庶不致停工待料輒廢半塗惟是漫口大溜偏近

京師臣等惶急萬分敢不於無可設法之時爲相機籌堵之計因念萬培因河務生疏措施容有未當查按察司周馥自同治十年以後歷辦永定河堵築大工熟悉機宜才長心細著有成效臣已飭令該司由省就近帶印赴工查助實在情形督催集料興工事宜估計北上汛二號漫口兩端應需工料及挑溶引河丈尺兼堵下游北上汛五號南三汛九號先經漫水已成旱口各工約其需款項若干據實稟核一面檄飭濟司裕長籌款陸續湊撥但在

伏秋汛內來源增漲口門愈衝愈寬工程浩大料物艱貴若需款過多庫儲告罄當再懇

恩飭發協濟倅無缺誤又查有儘先補用道吳廷斌歷任永定河南北岸同知久辦堵口工程於該河利病最稱熟練辦事結實可靠上年委督水定河道任內搶修得力克保安瀾並飭令該道赴工會同妥速籌辦以收集思廣益之功臣仍隨時督飭周馥等懔

遵

聖訓趕緊勘辦剋期歲事捍衛畿郊冀以仰慰

屢念所有遴派大員駐工督辦緣由諒縉摺由驛覆陳伏乞

皇上聖鑒謹

奏

推廣賑捐摺光緒十六年七月初二日

奏爲順直水災極重工撫等項無款可籌願懇天恩俯准推廣開辦賑捐以資接濟恭捐仰祈聖懇事竊查順直各屬本年夏間霪雨爲災各河漫溢漿將轉辦急撫情形先後馳奏在案近日天雖晴霽水仍未退查據各屬稟報順屬以通州武清寶坻東安固安霸州文安永清良鄉涿州等處爲最而甯河香河大城保定房山等處次之直屬則天津安州全境被淹災況極重其餘如容城新城定興安肅高陽清苑雄縣蠡縣靜海青縣任邱東光滄州獻縣吳橋慶雲灤州樂亭等處次之此皆據文報已到者而言其餘驛路不通尙未知被災輕重且下平地尙有水深丈餘及數尺者昨經奏蒙

恩准於藩運各庫先撥銀六萬兩並截留江北漕米奉天粟米以

資賑撫順屬復蒙

恩賞發內帑銀五萬兩並粟米一萬五千石

皇仁浩蕩薄海同欽無如災區過廣祇可酌量勸捐暫救目前之急現查永定大清南北兩運並子牙瀦龍各河漫口林立上下千數百里一片汪洋口門一曰不堵河水一曰不退小民無地可種無屋可棲人心惶懼岌岌不可終日此時正值伏汛各河盛漲水勢難遽消落自夏徂冬爲日方長明歲青黃不接之時尤須接濟統計工賬兩項約非二百萬金不能底事直隸爲缺額之區司局各庫支細萬狀本地殷富無多募捐不易東南省近年荒歉一捐再捐已覺筋疲力盡即使設法勸募亦恐所得有限值此時艱又未敢請撥部款臣與司道多方計議不得不雨綢繆預籌有善之款藉救無告之民惟有顙懇

聖恩仍准接辦賑捐但有須變通推廣者方可略收才效查直隸開辦賑捐有年僅特銜封貢監四項捐路既窄而五成實銀捐生尚多觀望應請將光緒十六年六月初一日以前直賑尚未請獎告竣者仍照舊辦理外凡六月初一日以後收捐銜封貢監統照新海防捐以四成實銀上兌其應試監生仍收十成實銀並仿照上年兩江督撫臣奏請開辦蘇浙賑捐議准請獎翎枝並二品頂戴一切收捐銀數悉如江浙成案惟近年捐務已成弩末非設法從優獎勵尤難鼓舞捐生臣督同司道詳細核議查各省文職官員因案被議除實犯贓私各款限於例章不准捐復外其有情節可原並因公獲咎仍請准捐復銜翎如前四川按察司方濬頤前花翎二品頂戴福建委用道盛世豐前二品銜湖北道員董備翰等各捐實銀五千兩成案均奏蒙

特旨允准現擬道府以上仍以報捐實銀五千兩爲度知府以下不論同通州縣擬請收捐實銀三千兩隨時奏乞

恩施賞還銜領又查籌餉例載火器營官兵程貢監准捐鹽運使銜並副將參將職銜此項人員與實職既屬有間且武職虛銜亦於名器無礙擬請准予收捐惟均屬格外優獎若按例定銀數斷斷無人捐納若照四成銀數收捐未免過輕擬請按照新海防捐銜銀數酌加一成統以五成實銀上兌目前數百萬災黎當此伏秋期內祇求糊口有資一交冬令號寒更甚帝憇憐請廣勸棉衣按照部章每件作銀一兩以新花新布而論本年

畿疆遍地皆災所產木棉之處一無收成勢須隔省製辦加以工價連腳每件實不止一兩但久經部章核定亦未便加增除捐至千件以上者情願奏請建坊仍照章辦理外餘如折解實銀到津

代製亦准一律核給獎敘以廣招徠而昭激勸以上各項於海防
正捐毫無妨礙而於災黎裨益實非淺鮮統限一年截止不再請
展各省水旱偏災亦不得援以爲請順直切近
京畿猝遭水患地廣災重實爲百餘年所未有民生疾苦動關
朝廷屢慮但冀有可補救之方不得不於

君父之前爲民請

命以上推廣條款均係按照成案捐章參酌擬辦既多得一分之
捐卽多救一人之命如蒙

俞允卽由臣督飭籌賑局司道逆員分投勸辦刊刷推廣賑捐正
副實收仍用天津道印隨時填給捐生收執按次造冊詳咨由部
彌發執照其部監飯照實所收捐款則按順直分
解以濟急需而昭公允所有順直各屬被災極重籌款維艱擬請

推廣賑捐緣由謹恭摺具奏伏乞

皇上聖鑒訓示遵行謹


奏

截止江浙賑捐片

光緒十六年七月初二日

再上年蘇浙兩省水災賑款繁鉅疊准江蘇京官並各督撫臣者
面商想捐助經臣臣爵率官紳商富量力輸將旋經兩江督臣奏准
按照蘇皖捐案核給獎敘並照鄭工例收捐併核及推廣收捐二
品項載由直刊刷募啟分頒各屬並在津設立公所廣爲籌勸自
光緒十五年十一月起截至十六年四月止共收直省官紳商富
賑捐折收庫平足銀一千萬六百七十八兩二錢七分三釐先後解
過浙賑銀七萬六百十三兩八錢五分六釐蘇賑銀三萬兩尙存
銀六十四兩零以備津貼匯費等用現在蘇賑告竣浙江省辦理工
辦亦將歲事捐款均已收齊應即截止除飭取捐生履歷照章由
直分批咨部核獎外理合附片具陳伏乞

聖鑒敕部查照謹



永定河勘工請款摺

光緒十六年七月十九日

奏爲堵築永定河漫口籌議辦法勘估興工請分別撥款以濟急
需恭叩仰祈

聖鑒事竊查永定河非上汛漫口欽遵

諭旨迅籌堵築嘗經臣奏明派委按察使周馥道員吳廷斌前往
會同勘估妥速籌辦嗣奉七月初八日

咨諭飭催又經檄飭起緊妥籌勘辦核實估計務須破除情面力
祛河工積習不得稍涉虛糜茲據按察使周馥道員吳廷斌會同
革職留任永定河道萬培因詳稱周馥於六月二十九日帶印出
省與吳廷斌先後馳抵工次察看北上汛水口並北二上汛南三
汛旱口大概情形將水口購料派員諸事先爲布置一面沿隄連
日逐細履勘並與廳汛各員商籌辦法查北上汛二號漫口原寬

七八十丈嗣因水勢接踵續漲洶湧異常裹頭盤築不住口門漸次刷寬現計二百二十八丈兩壩裏頭已成西壩露出輒灘東壩水勢較深邊溜計二三尺中泓深不及丈秋汛湍急搜刷裹頭常虞蟹陷水口之外平漫東下並無跌塘深坑惟口門之內水由南岸石隄向北直下竟無坐灣河頭將來引河雖成若無河頭合龍必無把握應相機添築挑壩以期得勢引河應挖長四十餘里深一丈五六尺至二三尺不等此水口工程之情形也至北二上汛五號旱口計寬一百八十六丈口門外亦無跌塘引河應挖長八里深八尺至二尺不等南三汛九號旱口計寬一百二十六丈口外雖無跌塘但地低三尺引河應挖長十二里深一丈一尺至三尺不等又南三汛四號老灘上被水衝開一口計寬十六丈跌塘水深一丈四尺並未引溜但須補還原隄計大小旱口三處共寬

三百二十八丈引河長二十里此旱口工程之情形也又查南三
七號隄身六十丈南四四號隄身三十丈被刷殆盡所剩隄坡人
難立足又北二上下兩汛北三汛南上南二汛或埽走隄潰衝成
深塘隄外又係橫坑無土可取或形如兜漏埽極單薄均係添埽
一切坎一律修整堅實方足以禦合龍下注之水其需費與旱口略
等此應修殘缺隄工之情形也其餘各汛應修應補各工不一而
足通工汛署皆已坍塌隄上浪窩水溝動見斷梁車馬均難行走
亦須分別修築方昭鞏固茲歷辦堵口大工總在秋深水涸藉科
刈穫之際購料較易省費卽多今漫口大溜逼近

京師疊奉

廷旨嚴催口門一日不堵漫水一日不消田廬被淹災民徧野亟
應變通求速辦法以冀早日合龍惟現值秋汛正旺水口一帶純

沙帶石毫無膠土一下格填動刷深二三丈水深處進占尤難本
非三箇月不能完工今擬夜以繼日分投趕辦優賞嚴罰明定章
程使員弁兵夫鼓舞奮興但得料物應手兩月冀可合龍所難者
新料尚未登場葦塘水深不便采割各汛存料無多只得不惜重
價派員遠赴安州_{臨邑縣等處}搜購陳舊舊料並飭河兵摘取官隄
柳枝及收買民間柳枝迎工濟用至上下游引河共須挖長六十
餘里約用挑夫三四萬人刻下雖值農忙而附近災民甚眾即可
雇充挑挖以工代賑第須自底後積水消涸河身方可插鍬分段
起緊暫挑約一月即可竣事統計工款爲數甚鉅當此庫款奇絀
之際不得不設法撙節得省卽省擬將下游各汛禦水之工先做
十之六七但期合龍下注之水足以抵禦其未完各工俟合龍後
河兵各回本汛彼時夫工料賤再行續辦以竟全功其餘各處工

工程撙節估計共需銀三十萬兩之譜係屬斟酌再四涓滴歸工無
可再減現已調集員弁人等於七月十五日開工督飭晝夜趨辦
但能款項料物兩無缺乏天氣水勢亦無阻滯九月內當可合龍
等情詳請具奏前來臣查不年水勢之大永定河受害之重爲數
十年來所僅見現在北上汛二號漫口並北二上汛五號南三汛
九號旱口暨下游禦水喫重各工經該司道等會同籌議詳細勘
估已於七月十五日開工興辦核其所議辦法均尙周妥應請經
費據稱共須銀三十萬兩實屬撙節估計無可再減應請照數籌
撥仰得速購料物剋期起辦冀於九月內合龍不致停工待款用
以仰慰

寢座性是需款較鉅直省係缺額之庫項本極支絀值此災重
地廣賑需浩繁竭蹙情形不可殫述祇以部庫亦非充裕不敢以

賑務率行請款然此近畿河工要需爲數既鉅如統由直省籌撥實在無此力量是以臣於前摺曾經聲明如工需過多當再懇飭飭撥協濟茲需銀三十萬兩不能不設法分籌除月片奏請飭由江海關道在於積欠直隸練餉項下提撥銀十萬兩外擬懇天恩敕下戶部籌撥銀十萬兩其尙短銀十萬兩卽飭藩司裕長運司額勒精額於漕運兩庫竭力各湊撥銀五萬兩以應急需所請部款如蒙

俯允當飭臬司周報就近派員赴京請領應用俾昭迅速所有堵築永定河漫口籌議辦法勘估興工請撥款濟用緣由理合恭摺由驛五百里馳陳伏乞

皇上聖鑒訓示再該河漫口工程必須勘估明確方能核辦因道路節節水阻勘估情形甫據詳到是以奏覆稍遲合併陳明謹

奏

分等永定工需片

光緒十六年七月十九日

再堵築永定河漫口各工估需銀三十萬兩爲數甚鉅非設法分
籌斷難舉事在江海關每月協直餉銀三萬兩係原任督臣國
藩於練軍治河案內奏奉
諭旨飭撥之款原奏內稱永定河從前部撥減修銀近十萬兩復
另案發帑加培土工自道光二十二年用案之土工停自咸豐三
年而歲修十萬亦減以致隄身處處受病時常潰決等語是江海
關協餉實爲直隸河務軍防之款近雖將四成洋稅應撥之款
按月清解而歷年積欠尚有七十七萬兩之多現值永定河堵口
大工需款緊急籌措爲難據練餉局司道具詳前來應請
旨飭下兩江督臣曾國荃江蘇撫臣剛毅轉飭江海關道無論何
款即行挪湊銀十萬兩速解濟用以直省原有之餉辦

畿甸最要之工在該關撥款並非加增而於永定河工需有著得
以早日合龍實於大局有裨理合附片具陳伏乞

奏聖鑒訓示施行謹

海防練軍請銷

光緒十六年七月二十九日

奏爲查明天津海防練軍光緒十五年分收支各款照章造冊請銷恭摺仰祈

聖鑒事竊據天津支應局開道詳稱津郡練軍及大沽葛沽北塘海口各礮臺防餉並裏寧營馬隊營務處小隊應需餉項向由津海關六成洋稅招商局稅洋藥釐捐東海關協餉長蘆鹽斤復價正雜課各項下隨時籌撥撙節支放業將光緒十四年以前收支款目疊次奏咨准銷在案查東海關六成洋稅前因湊付神機營原借洋息難以協撥津軍用餉暫於天津釐金項下挪墊已算開清單咨部至應支餉乾薪公等項並大沽等口臺礮經費以及設局辦公租賃民房添置帳棚旗幟號褂采買製造軍火器械悉照奏定章程歷年准銷成案核實支放其新增者隨時咨部立案茲

造具光緒十五年分收支細數清冊詳請

奏咨前來臣逐加覆核自光緒十五年正月起至年底止舊管存銀二萬七千二百八十一兩零新收各款並本末扣收平餘銀三十六萬三千一百五十五兩零開除支款悉照定章毫無浮濫應歸戶部核銷銀三十四萬四千四百八十六兩零工部核銷銀三萬五千三百六十三兩零合共銷銀三十七萬九千八百五十兩零應存銀一萬五百八十五兩零已支發十六年餉項列入下屆滾接造報至奉部核准歷年墊支不敷銀二萬一千一百七十八兩零仍於冊內列報應俟月案核辦後再行開除所有光緒十五年天津海防練軍收支餉銀請銷緣由除清冊咨部外理合恭摺

奏伏乞

皇上聖懸敕部核銷謹

移建正定貢院摺光緒十六年七月二十九日

奏爲捐資移建正定府貢院工竣恭摺仰祈

聖鑑事竊查正定府貢院原建於該府城內西北隅嗣因地勢卑
陷泉水爲災乾隆年間移建於東南高地迄今百有餘年屋宇傾
頽牆垣欹側每逢考試覆壓堪虞且自移建以來科第寥寥形家
每言風水不利該處紳士朱本奎等願請移還故址填高地基加
增屋宇開通水道由府核議勘估除舊料措用外計需工料制錢
三萬二千五百九十一串稟經臣批准捐資移建旋據正定府知府
陳慶滋按所屬州縣分別勸捐委員照料其一切收發錢文購料
監工責成紳士經管應需委員薪水及紳童飯食由該府及所屬
州縣共捐廉銀五百餘兩核實支給於光緒十五年三月十二日
開工興修至十一月初七日一律工竣計共修建瓦房二百十六

閒平房十四間魁星樓一座轍門二座石橋一座照壁圍牆並挑
挖溝渠置備號版號桌等項共用經費制錢二萬九千七百八十一
串檄委署定州知州高建勳驗收結報尙餘經費制錢二千八
百九串合之官捐銀兩湊足制錢三千串分存所屬當商每月一
分生息以作歲修之用歸紳董經營其十四屬向來應派歲修一
律蠲免議定歲修章程勒石遵守由藩司裕長具詳請

奏前來

臣覆核無異理合會同順天學政

臣周德潤恭摺具

奏伏乞

皇上聖鑒敕部員照立案再此項工程係紳民捐修請免造冊報
銷合併陳明謹

奏

丁壽昌請卹片

光緒十六年七月二十九日

再原任直隸按察使丁壽昌前奉

恩旨照按察使立功後積勞病故例從優賜卹欽遵在案旋經吏部以該員久離軍營核與議卹章程不符應照承辦軍需積勞身故定例給予贈銜毋庸廢子等因具奏奉

旨依議欽此鈔奏各會前來竊惟丁壽昌自同治初年投效臣營先後分領鼎軍銘軍轉戰江蘇浙江湖北河南山東各省克復府州縣城及要隘賊壘三十餘處擒斬粵捻悍目多名同治八年經前督臣國藩奏調來直隸統銘字馬步全軍其在天津道任內辦理民教滋事臣在臬司任內清釐各屬積案關係中外大局全省吏治尤難能者同治十年籌辦天津水災光緒三年籌助晉豫旱災並值大祲竭力經營實惠及民不分畛域曾於馳報該員

出缺案內臚列

上聞渥荷

特旨軫恤巡恆有轉戰立功遺愛在民之
襄有

宣付史館建立專祠之典其生平戰功政績久在

聖明洞鑒之中查原任浙江按察使劉盛藻在任病故經臣會同

升任浙江撫臣劉秉璋援照前安徽布政使吳坤修甘肅按察使

劉于淳成案奏請仍照軍營立功後積勞病故例從優議卹奉

旨劉盛藻著加恩照軍營立功後積勞病故例從優議卹欽此旋

經部議照例贈官廕子仰見

聖朝追念勞臣有加無已之至意凡在將士欽感同深伏念丁壽昌與劉盛藻同帶銘軍戰績相等其在直隸辦理軍務洋務勞勲

早著與情愛戴身歿之後荷蒙

特旨立傳建祠

異數殊榮視劉盛藻尤爲有過而卹廢之例限於部議未能一律

邀

恩合無顛懼

天恩敕部將原任直隸按察使丁壽昌仍照單贊立功後病故例從優議卹以彰忠盡而昭激勸由自逾格
慈施理合附片陳請伏乞

聖鑒訓示謹

奏

卷之十八

李文忠公奏稿卷六十八

李文忠公奏稿

卷之六十九目錄

請停徵信冊摺光緒十六年八月初十日

奏留呂文經片光緒十六年八月初十日

平遠船酌定餉章摺光緒十六年八月初十日

籌款興辦營口礮臺摺光緒十六年八月二十二日

黃河拋磚保固片光緒十六年八月二十二日

免停燒鍋片光緒十六年八月二十二日

旗莊減租摺光緒十六年八月二十二日

山海關盈餘短徵摺光緒十六年八月二十二日

龐元濟捐獎片光緒十六年八月二十九日

吳安康開復摺光緒十六年八月二十九日

請開復黎庶昌處分片光緒十六年九月十五日

駕加察哈爾都統公費片光緒十六年九月二十八日

漕臣捐賑請獎片光緒十六年九月二十一日

金光筋祿列祀典片光緒十六年九月二十八日

李勝請卹片光緒十六年十月二十九日

徐文達請附祀片光緒十六年十月二十九日

驗收旅順各要工摺光緒十六年十一月初五日

准軍報銷摺光緒十六年十一月十六日

軍需交涉洋務片光緒十六年十一月十六日

淮軍水師報銷片光緒十六年十一月十六日

李金鏞請卹摺光緒十六年十一月十六日

袁大化接辦漠河礦務片光緒十六年十一月十六日

李文忠公奏稿卷六十九

全集一之六十九

桐城吳汝綸編錄

請停徵信冊摺

光緒十六年八月初十日

奏爲本年災重款細請停緩徵信各冊以節經費而濟災黎恭摺
仰祈

聖鑒事據布政使俗長詳稱前奉部咨行令各省造辦徵信各冊
當已由省設局遵辦伏查錢糧爲

國家正供

畿輔乃首善之區小民踐土食毛具有天良無不爭先輸納而總
核額徵不無缺額難保非經徵各員捏報民欠復經該司加意查
催造辦乃歷稽奏銷底冊每年徵完起運並節年徵起地糧銀兩
總數俱各不相上下是未辦徵信冊之先所徵並不加少旣辦徵

信冊之後所徵亦不加多可知直隸錢糧缺額尙屬實欠在民各州縣並無捏完作久不然順直各屬不乏識字農民每年所造民欠及蠲緩徵信冊既已照章分發俾民共見各州縣果有朦混情弊小民良莠不齊何無一紙呈詞赴官控告此徵信冊之舉辦或有益於他省實不見益於直隸亦事之有徵也然使無所益亦無所損何妨照章辦防弊未然無如熟計兼籌不惟無益

於

國計實大有損於庫儲溯自光緒三十四兩年卓辦十二十三年新欠並帶辦八九十一等年舊欠徵信冊卽此兩年之中一切板片紙張工木食等項銀兩除奉准作正開銷二萬一千數百兩外其由司熱辦不准開銷之款已不下八千餘兩光緒十五年末及報銷之經費並各州縣歷年購辦紙張添設書手所費銀

錢甚多均尙不在此數似此用款浩繁欲求益而反得損部議所稱虛糜款項無益實際者其信然次方今順直各屬猝遭奇災數百萬災黎嗷嗷待哺幾於無款可籌凡告災乞糴細大不遺篤議捐錦銘必較獨至徵信各冊格於定章以有常之經費作無益之虛耗是何爲者該司悉心籌議與其將此鉅款悉付之故紙堆中何若挹彼注茲俾災民均沾實惠多省一分卽有一分之益多籌一欵卽多活數萬人之命一轉移間乃可變有損爲有益矣況本年災區旣重且廣各州縣屢啟勘災按戶放賑日夕不遑應辦徵信各冊條目紛頗其勢實難兼顧請自本年起將各項應辦徵信冊籍概行停緩庶各州縣不致有顧此失彼之虞而於賑務亦不無小補俟將來年歲豐稔察看各州縣若有以完作欠諸弊再行照章辦理等情具詳前來臣查順直州縣經徵錢糧等項旣據

該司詳稽公銷逐年比核俱係實徵實解委無以完捏欠情弊造
辦徵信冊籍徒糜鉅款無益於

國無益於民當此災廣且重賑款極絀應如所請自本年起將各
項徵信冊籍概行停緩所有之款俾可移作賑需多拯民命理合

會同兼管順天府府尹

臣陳彝恭摺具

奏伏乞

皇上聖鑒敕部查照立案謹

奏

奏留呂文經片

光緒十六年八月初十日

再據北洋海軍提督丁汝昌文稱查有前福建水師儘先游擊呂文經福建同安縣人由行伍歷保花翎儘先游擊委帶伏波兵船光緒十年馬江之戰因輪船中礮先退革職發往軍臺效力十四年十一月期滿釋回本年六月

萬壽慶典該革員隨班祝嘏欽奉

恩旨著照原官降二等賞給職銜查呂文經前在閩粵歷帶兵輪洞曉機宜善於駕駛南北洋海道港汊均甚熟習而辦捕盜勦匪及轉運兵勇餉械皆能倣勉當馬江獲咎之後恪靖營兩次密渡澎湖楊岳斌三次繞道密渡臺灣皆呂文經駕駛輪船護送始能各登口岸由是更防氣壯法饑卒銷是其冒險出入有裨援臺之役殊非淺鮮曾經楊岳斌左宗棠先後奏留有案現值海軍初創

備材孔亟水師人員較陸軍尤爲難得凡有材藝者無不准其投效呂文經曉暢洋務狎習風濤管帶兵輪駕輕就熟若令充當船上各差必能力贍前愆藉收臂助請具

發前來臣查呂文經勤幹耐勞管帶輪船十餘年諳練駕駛於海上風濤沙綫閱歷已久實爲不可多得之材卽其獲罪原案由於船艙中礮退守林浦以防內竄旋又護送左宗棠楊岳斌兩部援臺山力功過尙不相掩才力允堪任使方今海軍初創水師人材雖得使功使過本與常格不同呂文經深知愧荷新沐

恩諭賞給職銜尤感激圖報合無仰懇

天恩飭交北洋海軍差遣以觀後效理合附片陳請是否有當伏

乞
聖鑒訓示謹

卷

平遠船酌定餉章摺

光緒十六年八月初十日

奏爲平遠雙機鋼甲兵船酌定人數餉數照章支領恭摺仰祈
聖鑒事竊聞廠試造雙機鋼甲兵船撥歸北洋改名平遠於光緒
十六年四月閒駛抵津沽當將臣親往察驗情形具奏並聲明應
配管駕人等薪糧等項另行核辦在案旋卽督飭北洋海軍提督
丁汝昌天津海防支應局司道將該船應設官兵水手升火匠役
人等按照海軍章程內致遠等鋼甲快船人數餉數從減核定該
船薪糧公費藥費等款每年需銀三萬三千四百餘兩外加煤修
雜支等項每年約需銀二萬數千兩共約需銀六萬兩左右經臣
咨商海軍衙門核准常年薪糧公費藥費等款照鎮遠等七船成
案由海軍衙門按年籌發其煤修雜支等項歲需銀兩卽在歲撥
鎮遠等船備用銀二十萬兩項下動支咨覆照辦前來所有該船

配設管弁兵匠人等一百五十八員名月支薪糧銀二千三百八十七兩行船公費月支銀四百四十兩又歲支藥費銀二百兩每年共需銀三萬三千四百餘兩於光緒十六年五月分起支照章加開扣建按京一兩半核發竟同鎮遠等七船俸餉各款一併由海軍衙門核發仍屆年終歸入鎮遠等七船案內核實造銷以符該款該船應需煤斤油修並購製料物及冬季棉號衣袴等項雜支每年約需銀二萬數千兩海軍衙門飭在歲撥鎮遠等船備用銀二十萬兩項下撙節動支日應設法勻撥惟前項備用銀兩本係事備鎮定七船雜支之款現將平遠一船雜支加入儻遇該船大修須添購大批料物及加配礮械等項需款過鉅如經費實在不敷仍當隨時咨請海軍衙門添撥俾免漏卮至平遠船所糧本係初定儻有應需變通增減之處及一切未盡事宜各再隨時查

核奏咨立案除將現定人數倒數清單分咨海軍衙門戶兵工部
外理合恭摺具陳伏乞

皇上聖
聖
敕下各衙門查照謹

奏

籌款興辦營口礮臺指

光緒十六年八月二十二日

奏爲籌修奉天營口礮臺款撥案截留新增盈餘並關道報效銀兩藉資興辦恭摺仰祈

聖鑒事竊臣於光緒十四年四月間出洋查勘各口海防布置情形

聲明旅順大連灣等處同爲渤海門戶應築臺壘奏奉

硃批應行添築臺壘卽著擇要興辦欽遵在案查營口係通商碼頭爲奉省沿海緊要門戶地勢平坦與

暗都最爲切近升任山海關道續冒前於東岸第二道標杆處修築礮臺嗣又籌設水雷營海防規模粗具無如該處岸闊水深潮流落時輪船亦可行駛若遇敵船窺伺無險可扼僅一礮臺孤懸東岸旁無接應殊爲兵家所忌當飭山海關道誠勦直隸候補道劉含芳會同德國兵官漢納根察看形勢惟西岸頭道標杆暨網鋪

近接海灘最爲扼要必須添造礮臺使與東岸之稟勢成掎角互爲聲援布置方稱完密據估應修築臺牆一座及馬道礮盤儲藥夾庫一間子彈庫二間隔堆內子藥耳房二處官弁住房十四間兵夫住房十四間營門一座木弔橋一座臺外攔潮壩一道沿河兩岸土木碼頭二座活水梯二架工夫堆料土房六十間均照洋式修造並運料擺渡船二隻共約需銀十萬八千九百餘兩至築臺必須置礮應購克鹿卜新式十五生脫三十五倍口徑後膛鋼礮二尊十箇半生脫三十五倍口徑後膛鋼礮二尊七生脫半陸路後膛鋼礮六尊共十尊連架具子彈各種礮藥礮車炸彈等項兩項共需銀二十萬兩有奇一時實難籌此鉅款而事關海口設防必需之件亟應未雨綢繆未便因費用支絀遽令停緩查該關

向有購礮經費六成洋稅每結提銀五千兩一年四結提銀二萬兩以之陸續訂購礮位略可敷用其築臺經費查有該關截留常稅盈餘購置水雷銀七萬餘兩扣至光緒十四年九月二十七日關期報滿除動撥外尙存銀一千六百餘兩自應援案接續截留自光緒十四年九月二十八日起以後新增盈餘銀兩儘數留備築臺工需以十萬八千九百餘兩爲度並據該關道誠勑因臺基勘定應及時興工先行報效庫平銀二萬兩由該關養廉借支提用藉資興辦雖據稱不敢仰邀獎敘第該道力顧大局克已急公深堪嘉尚可否仰悉

天恩飭部核給獎敘之處出自

慈施逾格除飭造冊圖另行送部外所有籌修營口礮臺需款關繫海防要工拔案截留新增盈餘並關道報效銀兩緣由理合會

同

盛京將軍兼總督臣裕祿恭摺具陳伏乞

皇上聖鑒訓示諱

奏

黃河拋磚保固片

光緒十六年八月二十二日

再東明黃河大溜南趨險工林立搶護地段經費日增去冬飭令
熟悉河務之候補道吳廷斌前往會同大順廣道羅錦文察勘形
勢妥籌修防之策擬於上汛七堡十一堡中汛十五堡十七堡極
險工段添拋磚石壩四處藉資挑溜護埽並因舊式條方各磚體
質輕薄易致破損改燒大磚每塊重抵舊式六塊庶可深壓入水
又派員赴河南鞏縣一帶采辦石塊以爲擎托蓋護之用經臣批
准撥給銀二萬兩以一萬四千兩燒磚以六千兩購石茲據該道
羅錦文以拋用磚塊按照例價以一千塊爲一方銷銀六兩改燒
大磚加長加寬加厚核計斤重較舊式磚六倍擬每一千塊作爲
舊式磚六方銷銀三十六兩碎石每方照例應銷采運裝疊銀一
兩二錢九分六釐每里例加腳價銀一分五釐自鞏縣采石處所

至本工水程七百五十里每方應銷銀十一兩二錢五分通其每
方應銷銀十二兩五錢四分六釐現在加拋磚石各壩本屆防汛
已著成效嗣後應逐年辦理以免功隳垂成除本工萬有磚壩磚
塊仍用舊式磚塊加拋歸入歲修估銷外所改燒大磚采購石塊
請照東河成案將此項銀兩專歸另案估銷不與工款牽混詳請
具奏前來臣查磚石壩係河工新法自前河臣栗毓美創之本年
黃水盛漲大於往歲工程危險萬分下游山東齊河等處漫決多
口東明黃工因新拋磚石壩挑護得力藉以保全大局惟磚石之
工成於積漸必須接續加拋到底堅實可禦沖突水勢現在甫經
拋護尚難遽省埽工以後逐歲照行已拋者益臻穩固未拋者陸
續增多方能減少埽段節費保工洵一勞永逸之計仍當隨時酌
量籌款擴充多辦一處即多一處裨益理合附片具陳伏乞

聖堅敕部立采譜

矣

免停燒鍋片

光緒十六年八月二十二日

再准部咨光緒十六年七月初五日奉

上諭御史崇齡奏災區甚廣請停燒鍋以蘇民困一摺本年大雨成災糧價昂貴各處燒鍋耗糧甚多誠恐有妨民食著直隸總督嚴飭各屬停止燒鍋一年以平糧價而濟貧民等因欽此轉行一體欽遵查禁在案茲據口北道吉順宣化府知府汪守正稟稱宣屬十州縣並張理獨石多倫三廳本年夏秋雨水調勻秋收可望豐稔無一災歉之區民間向食莜麪小米爲大宗至所產苦高粱一項味苦而澀人不能食向來專供燒酒之用燒鍋就地購取實係無妨民食該道屬統計鍋戶數百家如令停歇一年不特窮民坐失生計且恐商戶貪利私燒吏役藉端訛索爲害非淺關外地方遼闊查不勝查辦不勝辦即使飭禁徒成虛文難收實效現值

天津河閒保定等處水災極重賑款難籌擬援照光緒十二年奏
案免其停燒分別資本大小每戶酌捐數十金計可得銀二萬兩
內外解津分撥濟賑於災民殊有裨益等情請奏前來臣查燒鍋
之禁乾隆年間直隸督臣孫嘉淦屢疏剴切上陳以爲無益有損
初謂宜於歉歲而不宜於豐年繼且奏稱身親辦理乃知是書生
謬論餓僅之餘民無固志失業既眾何事不爲歉歲難禁似更甚
於豐年等語孫嘉淦一代名臣久任畿疆體察民情極爲眞切原
疏具在可續按也況口北道屬一府三廳僻在山北年穀順成並
無災歉與他屬情形迥異所產苦高粱月是一種人不能食專用
釀酒更與他處地產不同據該道府確切查明該屬燒鍋於民食
毫無妨礙應請免其停燒仍令接戶酌捐解津助賑以拯災黎其
應納本年課銀並令照數赴部完交不准拖欠除各部存照外理

合附片具陳伏乞

聖鑒訓示謹

奏

光緒十六年八月二十二日

旗莊減租摺
奏爲順直各屬本屆水災極重請將京旗各屬莊田照案減收租項恭摺仰祈

聖鑒事竊順直各屬向有王公貝勒等府莊田光緒六年御史朱以增請遇災酌減租數並佃租歸地方官徵解臣以佃租改歸官徵事有窒礙奏明仍由各府自行經理嗣因光緒九年水災較重查照前案奏請減租欽奉是年十月十五日

上諭所有王公等府並各京旗莊田著卽自行體察災歉情形將如何減收租數之處行至坐落州縣出示曉諭不准莊頭攬頭等將已減之租朦混舞弊其內務府革退莊園頭歸官代徵地租香燈租步軍統領衙門西河歲修地租事同一律並著一體減收分別知照曉諭以紓民力而除弊端等因欽此當經內務府奏明莊

頭等應交是年十成錢糧一律減免五成其革退莊頭等暫歸官徵地租由各州縣體察徵收仍據武清等縣將內務府革退莊頭等地租香燈租步軍統領衙門西河歲修地租一體減免五成如有災前花戶長完租項准抵次年之租積年民欠均緩至次年秋後又徵出示曉諭十二年復被水災又經援案奏請減免各在案茲查順直各屬窪區本年水勢之大被災之重較之九年十二年爲尤甚業經臣等節次陳奏一面籌辦賑撫並遵定章飭委道府督勦災歉分數另行照例額懇

恩旨豁緩糧租先行照章曉諭停徵復據通州等州縣稟稱被災之處田禾既失收成廬舍又多倒塌甚有積潦未消卽春麥亦難播種民情困苦異常所領賑款僅堪度命佃種各府莊頭攬頭地畝應交租錢庄屬無力完納稟請奏辦前來臣等查順直此次災

區正項糧租例得懇
豁緩賦課先行照算停徵又欽奉

皇太后懿旨節省宮廷用項賞發順天賑銀五萬兩並蒙

皇上賞撥順天銀五萬兩大錢五十萬串倉米共二十萬石直隸
粟米一萬二千七百餘石漕米三萬六千石並將新海防三箇月
捐款移作順屬賑需

恩施優渥感戴同深王公各府仰體

皇仁自必將災區地租照案核減惟經手之莊頭攬頭人等賢否
不一誠恐從中朦混全數追呼昏墊餘生難禁殷削仰懇

天恩俯准照案

特諭王公貝勒各府並各京旗自行體察坐落州縣災歉情形將
莊田減收租項其內務府各項地租步軍統領衙門地租一體減

收查上兩屆內務府係不分災歉一律減免五成此次災情尤重似應照辦王公貝勒並各京旗步軍統領衙門是否亦減免五成並各迅速酌定知照直隸轉行坐落州縣出示曉諭俾窮黎得沾實惠其有災前花戶長完及上年預行全收長出租項准抵次年之租節年民欠均緩至次年秋後啟徵以紓災困臣於奉

旨後卽敬謹刊刻謄黃先行委員分往被災州縣村莊張貼並令於催收時先按五成完交仍俟各處核定減免成數再行由州縣曉諭遵照其有上年業經預交者無庸再交至各州縣未被災歉村莊仍照十成完交不得減免儻有莊頭攬頭書役人等串通弊混及奸民影射抗租照例懲辦各屬紳民地畝內有佃戶承種交租者卽被災歉亦令一律減收以照公允理合會同兼管順天府

府尹

臣潘祖謙順天府尹臣陳彝恭摺具陳伏乞

皇上聖鑒訓示謹

奏

山海關盈餘短徵摺

光緒十六年八月二十二日

奏爲山海關加增盈餘銀兩徵收未能足額懇
恩援案擬補恭摺仰祈

聖鑒事竊前據山海關監督奉錦道誠勑詳稱該關新增盈餘稅
額短徵由洋稅侵佔暨上年奉省年歲荒歉糧米禁運所致懇請
援案撥補先行咨部立案經臣咨准戶部覆稱山海關每年應徵
正額盈餘兩項按年徵足新增盈餘一款光緒六年以前每年短
徵銀一萬六七千兩不等均因洋稅侵佔經部會同總理衙門議
覆在於本關所徵洋稅項下撥補並於原摺內聲明此次變通辦
理嗣後務宜實力稽徵規復原額儻特有成案將稅銀任意虧短
援請撥補斷難覈准奏明行知在案今據咨稱山海關新增盈餘
一項短徵銀二萬二千五百五十六兩五錢九分懇由洋稅項下

奏
照案授補咨部立案查從前各關常稅短徵暫由洋稅項下撥補原屬一時權宜之計所有該關短徵新增盈餘銀兩請由洋稅項下撥補礙難照准咨覆轉飭該道將短徵新增盈餘銀兩照數補足等因經臣札飭該道遵辦去後茲據該道詳稱該關經徵稅項

以出口回貨糧米黃豆豆油豆餅爲大宗該道於光緒十三年十二月抵任循照定章實力整頓雖被洋稅侵佔而出口糧豆尙有販運至十四年九月關期屆滿勉於正額無虧乃是年七月後被水成災田禾淹沒奉省東南各城災歉甚重經

盛京將軍奉天府尹奏奉
諭旨將高粱粟米暫停商販出口嗣經翰林院侍講學士良弼奏奉天災歉太重請停止米糧出境又都察院奏主事魏晉楨等以外省采買有妨民食光緒十五年五月初三日奉

上諭著飭屬停止外省采買欽此欽遵各在案計自米糧禁運該關常稅由此頓減自光緒十四年九月二十八日起至十五年九月二十七日止一年關期屆滿正額盈餘幸皆照額徵足惟新增盈餘僅徵銀五萬七千四百四十三兩四錢二釐照原定八萬兩之額短銀二萬二千五百五十六兩五錢九分八釐委因米糧禁運無術招徠檢查是年稅務司送來清摺其中出口油豆較多華船應載之貨又爲輸船侵佔常稅虧短事出有因所幸洋稅豐收藉充

國帑惟有請將短徵之數

奏懇援案由洋稅侵佔數內撥補等情具詳前來臣查華船應載之貨既爲輸船侵佔常稅虧短彼竊此紳勢所必至兼因奉省歲歉運米糧出口該關稅項以米糧爲大宗既奉

旨禁運出口稅無可收皆屬實情尙非該道稽徵不力令無仰懇
天恩俯准將該關短徵加增盈餘銀二萬二千五百五十六兩五
錢九分八釐在於洋稅侵佔常稅銀內撥補仍飭俟下屆稅務稍
豐卽復舊制不得虧短除將送到比較常洋兩稅清冊咨部查核
外所有山海關經徵加增盈餘銀兩未能足額拔案懇請撥補緣
由理合恭摺具

奏伏乞

皇上聖鑒敕部核覆施行謹

奏

龐元濟捐獎片

光緒十六年八月二十九日

再據籌賑局司道詳稱浙江烏程縣紳士陳貢生候選郎中龐元濟因聞近畿水災甚重情願報捐賑銀三萬兩並稱現在應試上進不願仰邀別項獎敘等情查龐元濟早年入學優等補廩庫應鄉試敦品勵學今慨念時艱樂捐鉅款實與尋常報效不同從前捐例捐銀一萬兩蒙

賞給舉人該紳此次所捐又增兩倍可否酌拔舊案破格奏乞恩施在士林則多一好善之人在災區則多活數萬之命於服務深有裨益卽異數亦非濫邀詳請具奏前來臣查從前兩淮鹽商廣東洋商並有報捐銀兩獎給舉人成案軍興以後援例者多旋經言官條奏停止科第爲士子進身之路本不應開捐納之門惟該紳龐元濟獨捐賑款實銀至三萬兩之多迥非尋常所有此非

懸格可招之事自無援引圖濫之虞該紳本係優等廩生富而好義急公嚮上志尤可嘉自各省勸辦賑捐以來罕有一人助賑如該紳之鉅者若蒙破格

獎勵愈足見科名進取之重亦可勵羣士嚮慕之忱合無仰懇天恩可否將該紳龐元濟

賞給舉人一體會試之處出自

慈施特沛嗣後如有捐及此數者仍應隨時酌量請旨不得援以爲例是否有當謹附片陳請伏乞

聖鑒訓示諱

奏

吳安康開復摺光緒十六年八月二十九日

奏爲統領兵輪大員操練得力資勞甚深願懇

天恩開復處分仰祈

聖曉事據北洋海軍提督丁汝昌又稱統領南洋兵輪開復提督銜暫行革職總兵吳安康於同治年間投效軍營轉戰江西湖南貴州四川雲南等省積功保至提督銜記名總兵軍務肅清在江南管帶兵輪疊經前兩江督臣沈葆楨劉坤一左宗棠前兵部尚書彭玉麟保薦有案光緒十年因游讌被參經部議處奉

旨吳安康著暫行革職留營效力督帶師船奮勉立功以圖自贖欽此十二年統帶各船來北洋會操蒙醇親王以該員前在浙江鎮海堵擊敵船奮勇可嘉帶船合操紀律整肅奏奉懿旨吳安康統帶南洋輪船尙稱得力著加恩賞給四品頂戴等

因欽此十四年於蘇皖賑捐案內奏奉

諭旨開復原銜年來統帶兵輪與北洋會合操巡南至閩廣各洋東至海參威朝鮮日本等處日在驚濤怒浪之中窮厯海隅煙瘴之地勇往耐勞不避艱險查該員與前山西按察使陳湜同案被議今陳湜已奉

旨開復原官吳安康係暫革留營人員似應一體聲敘仰乞恩施具文請奏前來臣等伏查吳安康沈毅勇敢督率有方在江南管帶兵輪垂二十年曾經歷任兩江督臣及巡閱長江前尚書臣彭玉麟等屢次保薦嗣因參案降連猶蒙

特恩留營效力勉以立功仰見

聖朝愛惜人才曲予矜全之至意該員自經被議感激媿奮鎮海一役首先衝擊沈法國兵船時以獲咎方新未敢奏請獎敘嗣

於會操案內蒙醇親王校閱賞其紀律整肅猶追述鎮海前績奏
荷

恩施是該員奮勉立功督操得力久邀

聖明洞鑒卽其操巡南北征虜波濤終歲勤勞亦屬異常奮勉前
經臣國幸以鏡清等六船奏歸統領以一事權近年會操北來臣
鴻章察其培勵之餘愈加穩練器識遠到洵屬海軍出色人員竊
維海軍創辦之初將領之材最爲難得非久歷行陣練習風濤操
陣演習深通西法者不能勝任現在北洋海軍提鎮以下每多不
次升遷誠以風氣肇開儲才尤急也上年恭逢

恩詔降革人員才力堪用者極經各督撫保薦引

見錄用多員矣安康久統兵輪資勞之深實與北洋海軍將領相
等其所得處分僅止暫行革職未嘗一日離船尤與尋常降革者

不同獲咎已逾七年曾立戰功久在海上疊蒙

恩獎賞給頂戴開復原銜而暫行革職之案至今未與開除既不

得與在營諸將並獲登進之階且不得與廢籍各員同邀光復之

典臣等察得該員實係操巡得力所著戰功亦足自贖若不代爲

陳請殊無以鼓勵將材作興士氣合無仰懇

天恩可否將提督銜暫行革職總兵吳安康

准予開復處分之處出自

惡施逾格謹合詞恭摺具陳伏乞

皇上聖鑒訓示謹

奏

請開復黎庶昌處分片

光緒十六年九月十五日

再出使日本大臣記名道黎庶昌前於光緒十四年六月間因於
陳祀典措詞失當部議降三級調用旋經總理衙門以該大臣於
交涉事宜辦理無誤應否留任具奏奉

旨黎庶昌著以二品頂戴仍留任使大臣之任欽此該大臣現屆
任滿將來作何錄用

聖明自有權衡竊查黎庶昌周歷東西各國洋務最爲熟悉兩次
出使日本時逾六年一切交涉事宜均能悉心籌辦八年夏閒朝
鮮之亂事起倉卒日人窺伺其旁輒欲潛召兵船爲先發之計黎
庶昌探聽明確卽電致總理衙門及北洋大臣迺得仰秉

廟謨遣兵東渡戡定禍亂曾不淹旬日船駛來已後一日斯時先
後之機閒不容髮若非先得黎庶昌電信剋期籌辦使日師先入

或同時並至則事變正不可知是役營蒙

諭旨褒嘉稱爲甚合機宜辦理妥速將士論功受

賞超擢勳階黎庶昌先得敵情有裨大局其功尤不可沒旋因丁
憂離差服闋後經總理衙門奏稱該大臣熟習日本情形奉
命再任遠徂咎之後復以辦理交涉無誤蒙

恩特留是其奉使稱職久在

聖明洞鑒之中伏念使署差滿自參贊隨員以下並得申敘年勞
獎擢有差使臣係

特備之員本無敘遷之例年來恭逢

慶典再奉

詔書中外臣工凡有處分悉得聞復令黎庶昌僅以未嗣祠祀與
刑項獲咎有殊乃獨格於吏議不得同被清蕩之

恩敍復無階人才可情合無仰懇

天恩俯念該大臣獲咎甚微有功足錄才識均優足資任使可否

特予開復處分以備驅策之處出自

罪裁微臣職在通商委司洋務與該大臣時有交涉事件知之最深朝鮮定亂一役追念前功尤難緘默不揣冒昧謹附片具陳伏

乞

聖鑒訓示謹

奏

總加察哈爾都統公費片

光緒十六年九月二十八日

再察哈爾都統管理口外臺站牧羣地廣任重原定廉俸等項本屬無多又經折扣歲入不及千金不敷辦公之用歷任皆不能延致幕友卽緊要案牘多委之左右司遂致百弊叢積兼以轄境過廣須巡閱蒙古各旗稽考牧羣軍政輒因費無所出恐滋擾累積疲已久不易挽回其賢者僅守成法而不能有爲不肖者至漁陋規而莫能自潔牧政之壞至今日而極屢經言官參劾疊奉諭旨按治直隸與察哈爾接壤遇有宣化將吏來見臣隨時詢問知之頗詳去歲前後查復之案亦經條析

上聞

聖明博采羣言深知積弊

特擢湖北撫臣奎斌爲都統奎斌厯任封圻廉公自矢勵清耐苦

斷不肯以暗累爲言惟立法須經久可行中材能守際此得人整頓當使後來永遠遵循伏念近年

朝廷整飭東三省軍事吏事奉天將軍府尹諸臣既增養廉復加公費爲數甚優吉林將軍琿春副都統等亦皆酌加公費臣於光緒五年以順天府尹養廉過少奏請歲撥天津釐金三千兩以資辦公並經奉

旨允行有案茲

聖朝體念臣工須令措置裕如乃可責其奉公則弊若使遇事竭蹶則一切要務皆難措手縱臣下尙知自愛而因循奉制所失實多察哈爾都統經營臺站總理牧政綏輯蒙古事寄重要而廉俸微薄用款不敢現當橫倣之後釐剔方新畧應酌加津貼俾辦公有資得以實力督顧惟部款旣難覈請司庫亦無可稽查有該處

茶馬釐捐一項除奏定常年應放各款外尚有盈餘遇有要差向
准專案奏撥擬請在此款內每年勻提實銀三千六百兩以三千
兩撥歸都統衙門作爲加增公費副都統職司較簡亦擬酌加六
百兩以示體恤於放款不致短絀於公事實有裨益且與順天府
尹奏加公費成案相符如蒙

恩准再由臣咨行察哈爾都統查照理令附片具陳是否有當伏
乞

聖鑒訓示謹

奏

漕臣捐賑請獎

光緒十六年九月二十八日

再令歲順直水患經臣奏准推廣賑捐條款由部咨行各省照辦
臣復函電各督撫飭屬勸導茲接漕運總督臣松椿函稱自六月
閒一聞災耗卽設法勸捐惟清淮一隅凋敝已久文武各官本屬
瘠苦鹽務商販受捐已疲漕臣又非統轄呼應不靈况當本省督
撫同時籌捐地方紳富亦難重疊勸募經該漕臣首先倡捐銀二
千兩復儘力勸諭現已集成三萬兩解直備販仍派員廣勸隨時
解濟俟將來徵數後查明捐生履歷咨部核獎該漕臣倡捐銀兩
不敢仰邀獎敘等語竊維本屆水災爲數十年來所未有工賑並
興用繁款絀現在急撫甫經辦竣冬春兩賑爲日正長實難爲繼
直隸向稱缺額無可多籌又不敢請撥部款全恃各省賑捐踴躍
以濟羅掘之窮漕臣松椿聞信之後卽首先倡捐竭力勸諭集有

成數解應急需現尙廣爲招徠源源解濟查上同蘇浙賑捐案內
兩江督臣曾國荃以廣西撫臣馬丕瑤倡捐鉅款有益災區奏請
賞給頭品頂戴本屆

畿輔水災視蘇浙爲重漕臣無地方之責勸辦視督撫爲難江北
數郡之地尤非全省可比而兩月之間集成巨款來日方遠望濟
方殷當此災黎待命之秋實感遠道協助之誼該漕臣倡捐銀數
與馬丕瑤相等而就地勸辦尤屬力爲其難雖據聲明不敢邀獎
實未便沒其好義之忱可否仰想

天恩賞給該漕臣頭品頂戴以昭激勸之處出自
慈施逾格謹附片陳請伏乞

聖鑒訓示謹

奏

金光筋祠列祀典片

光緒十六年九月二十八日

再據藩司裕長詳稱天津縣人原任安徽廬鳳潁道金光筋歷官
皖北卓著循聲咸豐七年在壽州正陽關督兵勦賊陣亡欽舉
諭旨賜卹子謚人祀

京師昭忠祠並本籍及陣亡地方昭忠祠又於壽州建立專祠嗣
經前漕運總督袁甲三奏請欽奉

上諭金光筋在原籍天津縣自行建祠等因欽遵在案茲查
不籍專祠告成自應列入祀典由地方官春秋致祭以彰忠烈等
情請奏前來臣查金光筋當軍事擾攘之際政聲義烈皖民至今
稱頌允足矜式鄉間除飭該地方官遵照外理合附片具陳伏乞
聖鑒敕部知照謹

奏

李勝請卹片

光緒十六年十月二十九日

再山故記名提督湖南綏靖鎮總兵署湖南提督李勝安徽合肥縣人咸豐年間學匪竄擾皖北奉檄帶閩擊賊會剿含山巢縣無爲州等處股匪隨同克復廬州府城同治元年臣督師赴潁委帶親兵左營隸總統水陸各軍前甘涼道李鶴章所部是年攻克青浦嘉定兩縣力解北新涇四江口重圍二年攻太倉州身受矛傷三處血戰先登又破援賊於雙鳳鎮踏平顧山一帶賊壘數十座進逼江陰援賊四至燬逾十萬靡戰數晝夜遂復江陰進攻無錫踞蘇之賊復糾悍黨數十萬攻我大橋角之營洋匪自齊文又駕輪船助以開花礮該故總兵隨李鶴章大破賊眾獲逆酋陳玉龍燒燬輪船號洋匪數十名擣破賊於茅塘橋后宅綠山東亭等處埽蕩新安望亭賊壘遂復無錫三年春宜興溧陽丹陽各賊十數

萬竄撲常熟楊庫福山等處該故總兵由江陰南聞橫趨焦整會
合銘樹等軍斷賊歸路晝夜截擊大獲全勝四月進攻常州府城
時蘇州已下賊憇城死守礮彈如雨並然火藥下傾我軍肉薄仰
攻死傷甚眾李鵠章前敵督戰該故總兵左右橫翼奮勇大呼各
隊競進遂克堅城六年隨明東捻轉戰鄂豫直東等省削平任賴
股逆七年調辦西捻敗賊於饒陽深州等處賊回竄大名突犯津
沽復倍道抄出賊前攔擊晝夜追蹤滅賊茌平積功至記名提督
賞給赫勇巴圖魯正一品

封典十二年

爾授綏靖鎮總兵光緒六年署湖南提督十四年以積勞過深觸
發舊傷卒於提督署任臣查該故總兵李勝起家義勇身經百戰
極克名城蒙

恩摺授總兵署理提督昔在兵閒攻堅逐北忠勇奮發危苦功多
與臣相隨最久知之最深實有不客潤沒者光緒元年今兩廣督

臣李瀚章在湖廣總督任內奉

命按事雲南以該故總兵沈毅絕人派令先往騰越嚴密察訪時
方炎瘴改裝閉道徒步萬山馳至窮邊卒得實情而返俾鉅案得
以速結遇事勇往不避艱險蓋出天性授總兵垂二十年署提督
亦將十年整飭營伍修利器械調和將吏軍民畏懷綽有古名將
風烈其在總兵任內平定苗匪之變在提督任內再破會匪之案
聲色不動弭患未形尤爲湘人所稱頌甫逾六十志力方健遂
以積勞致疾觸發舊傷奄忽告終深可痛惜合無仰懇
天恩俯准將已故記名提督湖南綏靖鎮總兵署湖南提督李勝
照軍營立功後積勞病故例從優議卹並祔祀各省淮軍昭忠祠

以彰謹續理合附片陳請伏乞
聖鑒訓示謹

矣

徐文達請附祀片

光緒十六年十月二十九日

再原任福建按察使徐文達於同治元年隨臣率師赴滬先後隨同克復蘇州省城常州嘉興湖州漳州等府城太倉廣德等州城南顧金山青浦常熟江陰無錫平湖海鹽宜興溧陽長興漳浦等縣城迨髮逆補清移師助撫經臣委駐清江轉運餉械時大學士曾國藩駐軍濟甯捻蹤近逼餉械並缺羽檄交馳清江時已戒嚴一夕數警出境卽賊莫敢向前徐文達募小車數十輛輕裝重賞躬自督催開道疾趨四日而達曾國藩驚喜憲問稱爲冒險出奇當是時濟甯爲全軍本根若非餉械接濟應期大局幾不可問臣復奉

命督勦東西各捻股日夜追逐深慮餉需不繼檄派該員總理支應局務前敵百五十營月餉四五十萬緡核轉迎妥速無誤俾軍

士得以飽騰釐定章程嚴剔諸弊各糧臺皆以爲法循用至今益
筦支應者前後十年內無餘資外無浮議才長守潔一時以爲難
能其後服官江蘇補授淮揚海道三督運司兩護漕督興頌翕然
甫擢福建臬司遽聞摧折未竟其用時論惜之其在官事蹟業經
前兩江督臣曾國荃臚列

上聞荷蒙
特旨宣付國史館立傳仰見

聖朝激勵臣下

恩數殊常惟念徐文達患難相從勤勞最久南北征剿並在行間
至其綜理軍儲接濟餉械殲盡心力尤爲全局所關跡其生平實
與淮軍戰事相終始追懷前績實未可忘挺額懇
天恩准將已故臬司徐文達祔祀各省淮軍昭忠祠以彰懿烈理

合附片陳請伏乞
聖鑒訓示謹奏

驗收旅順各要工摺

光緒十九年十一月初五日

奏爲旅順大石船鴨及船澳廠庫各工告竣派員驗收恭摺仰祈聖鑒事竊臣前於光緒七年十月驗收碰快船摺內奏明奉天金州旅順口形勢實居北洋險要局廠船鴨各項皆陸續籌款興造九年二月附片具陳籌辦旅順各工大概範圍聲明該處工程開山濱海工費鉅仿照西法多與洋人交涉絕無例案可循實難豫爲佔定嗣於十四年十二月附片陳明旅順船鴨工程交法國人德威尼承攬包做派按察使周馥候補道劉含芳督同妥辦並添築擋潮石壩暨籌撥工款數目均經蒙

恩允准在案本年秋閒據報全工告竣當經遴派北洋海軍提督丁汝昌直隸按察使周馥津海關道劉汝翼會同前往逐細認真驗收茲據詳稱該提督等於九月二十三日齊抵旅順包工之德

威尼因事回國有德威尼自見監工洋人吉禮豐在工次開具洋文做工清單送由督辦旅順鴻灘工程候補道劉含芳譯成華文該提督等會同照單逐細查驗查大石船闊長四十一丈三尺寬十二丈四尺深三丈七尺九寸八分石階鐵梯滑道俱全鴻口以鐵船橫攔爲門現在鴻水吸乾平還兵船已入鴻修理全鴻石工俱用山東大塊方石壓以西洋塞門德土凝結無縫平整堅實堪爲油修鐵甲戰艦之用又查鴻外停船大石澳東南北三面長四百一十丈六尺八寸西面攏潮大石壩長九十三丈四尺形如方池渟泓蕩漾湖水落盡水深尚有二丈四尺西北留一口門以便兵船出入四週全砌寬大石岸山岸面平地量至澳底深三丈八尺二寸遇岸泊船穩無風浪搖動凡船入鴻油底之後即可出鴻靠岸鑲配修整做工極爲便利先是西面攏潮塙下積年稀淤

有深至八九丈者各國洋監工往視均稱難以着手該洋人築造
岸基時先砌鐵石圍牆下壓而於圍牆中空之處用繩汲取淤泥
迨牆漸砌漸蓋淤泥漸取漸出露見堅結老土然後層築灰石上
復接砌圈洞再上始砌石岸此澳岸三丈八尺以下之工做工之
難做法之巧實所創見洋師經營之苦勞費之鉅亦以此段工程
爲最又鴨邊修船各廠九座佔地四萬八千五百方尺計鍋鑪廠
機器廠吸水鍋鑪廠吸水機器廠木作廠銅匠廠鑄鐵廠打鐵廠
電燈廠又澳之南岸建大庫四座陽東建大庫一座每座佔地四
千八百七十八方尺備儲船械雜料以上廠庫各工概用鐵樑鐵
瓦以避風雪而防火燭高寬堅固較瓦房更爲合用又澳鴨之四
週聯以鐵道九百七丈閒段設大小起重鐵架五座專起重大物
件以濟人力之所不及又澳鴨與各廠庫碼頭等處置大小電燈

四十六座以便施工夜做之用又慮近海鹹水之不便食用也遠引山泉十餘里束以鐵管埋入地中穿溪越隴屈曲而達於澳嗚之四旁使水陸將士機廠工匠便於朝夕取用不致因飲水不潔易生疫病又慮臨海遠灘之不便起釦也建丁字式大鐵碼頭一座使往來兵艦上煤運械不致停滯遇事赴機迅速其餘如修小輪船之小石鷗藏舢舨之鐵棚繫船浮標鐵樁以及各廠內一應修船機器均一一設置完備以上各項均與代德威尼監工之洋人吉禮豐開送洋文做工清單相符此次該提督等驗收德威尼色辦工程係於本年九月二十七日即西歷一千八百九十年十一月初九日收工完竣自是日起限一年查照原議由代德威尼擔保之外國銀行照料一年限滿再行保固十年均與包工監工各洋人交代明白此項工程原佔銀一百二十五萬兩開辦之始

山北洋經費內撥過銀七萬八千零八十兩仍需銀一百十七萬一千九百二十兩添做攔潮石壩等工須添築銀十四萬三千五百兩二共需銀一百三十一萬五千四百二十兩奏准山直隸海防展捐項下撥銀六十三萬一千四百三十二兩八錢九分又山部庫及鄭工捐內撥銀五十三萬九千四百九十七兩一錢二分又撥給購買四快船餘銀六萬九千八百二十五兩九錢一分零又由北洋經費內續撥銀七萬四千六百六十四兩七分零以上先後共撥給銀一百三十九萬三千五百兩統作旅順鴻濱廠各項工程之用內德威尼承辦鴻濱石泊岸等工用銀一百十五萬兩又添做攔潮石壩自來水管鐵棚涵洞小石船鳴等工用銀二十萬八百五十兩又添購機器用銀四萬二千六百五十兩出入兩抵儘數開銷業經旅順工程局將歷次請領銀數與海防支

應局逐款核對均屬相符應由海防文應局將收放此項工程各
銀數開單詳請咨送海軍衙門戶部查核至所做各工均係洋人
包辦前經臣奏明與內地做法迥異無例可循准工部咨復有案
應由旅順工員另開工程丈尺做法機器名色件數清單詳請分
咨海軍衙門工部存案並據繪具船鳴船澳廠庫各工圖說前來
臣查旅順海口居奉直東三省洋面之間內山關沙瓦東西兩
澳可泊兵船多隻三省海面設有戰事策應均極便捷洵爲北洋
緊要門戶既有大枝海軍駐紮船鳴一項實係必不可緩之工自
奏明籌辦以來已及十年祇因鉛款難集工程浩大其間又值海
防有事未能一氣呵成幸賴海軍衙門戶部顧全大局撥款應
手俾要工得以速成旅順口濱臨大洋怒潮衝激風浪搜淘水底
施工極難雖繩繩而在外洋經營水師海口鳴澳各工需費動輒千

自萬金與內江內河工程迥異德威尼全仿西法製造亦復幾經
改作始底於成今據驗收各工均屬相符一年限內由代德威尼
擔保之外國銀行照料並具保固以十年爲限嗣後北洋海軍戰
艦遇有損壞均可就近入局修舉無庸借助日本香港諸石鳴渝
爲緩急可恃並無須糜費巨資從此量力籌畫逐漸擴充將見北
洋海軍規模足以雄視一切渤海門戶深固不搖其裨益於海防
大局誠非淺鮮此項工程雇與洋匠包辦全用洋法並無例案可
循請免造冊報銷除俟將工程丈尺做法清單暨用過銀數隨後
分咨海軍衙門戶工兩部存查外謹將鳴澳各工圖說咨送軍機
處備呈

御覽並咨各衙門查照所有旅順口船鳴船澳廠庫各工完竣驗
收緣由理合恭摺具陳伏乞

皇上聖鑒訓示龍

卷之二

三

淮軍報銷摺

光緒十六年十一月十六日

奏爲光緒十五年分淮軍收支款目列爲第十八案造冊報銷摺
單恭摺仰祈

聖鑒事竊照淮軍收支款項業經截至光緒十四年十二月底止
列爲第十七案報銷於光緒十五年十二月初三日具奏奉

硃批該部議奏單併發欽此並經造冊送部接准部復按冊核銷
在案伏查淮軍分駐直隸沿海各口要區並奉天之旅順口大連
灣等處計護衛親兵武毅仁盛銘楚護軍親慶馬步水師共五十
一營連同水陸各哨棚併護運餉械弁勇統歸淮軍案內造冊彙
總請銷今自光緒十五年正月起截至是年十二月底止列爲第
十八案所有統領營哨官弁員名勇夫開收總數駐防處所先經
造冊分咨軍機處暨戶兵工部備查又將支給正雜款項增裁數

目遵照新章每三箇月開報一次咨送各部查核其淮軍馬步水
師各營並隨營辦事支應等差文武官弁親兵勇夫薪費口糧倒
補馬匹柴薪車價駝驥餵養卽賞水陸轉運價腳夫工采辦製造
用款油船船隻經費正雜各項均循前案楚軍營制與奏定章程
歷屆准銷例案分別截濟起止概按湘平折實庫平接續造報飭
據淮軍報銷局司道逐款清釐查核計舊管銀九十三萬三千一
百七十八兩五錢有奇新收銀二百十二萬六千一百二十五兩
一錢有奇登除及附銷銀四十五萬一千九百七十三兩一錢有
奇開除正雜等項遵照部議酌定軍需報銷章程各歸各部核銷
計應歸戶部核銷銀一百八十三萬五千二兩六錢有奇應歸兵
部核銷銀三萬九百四十九兩七錢有奇應歸工部核銷銀八萬
五十三兩七錢有奇統其請銷銀一百九十四萬六千六兩一錢

有奇應截存銀六十六萬一千三百二十四兩三錢有奇已接支
光緒十六年正月以後淮軍馬步水師營哨正雜餉項並購製中
外軍火器械工價預儲軍米等項動放無存歸於後案舊管項下
滾接造報等情具詳請

奏前來臣查淮軍各營分駐直隸天津大沽北塘蘆臺至山海關
沿海一帶並奉天之旅順大連灣各海口修築新式礮臺擇要扼
守仿照西洋兵法練習後膛鎗礮水雷魚雷各用法講求制勝機
宜俾聲威既張敵情自懾實爲消患無形之計海疆千餘里逐漸
布置內衛

京畿門戶外控藩屬鄰邦有事得資應援尙稱緩急可恃餉項乃
計口授食之需開繫至重厯屆報銷案內截存銀兩皆係設法節
縮並將月餉酌量緩欠誠以近畿海防關繫重大無時敢忘戰備

不得不稍留餘地藉應急需現計欠餉至一百六十一萬六百九
十兩有奇若將截存銀兩儘數抵補不敷甚巨况次年各軍食米
須先期發價赴南省購運方免臨時缺誤此項米價尚在截存項
下酌撥近因各省關額解准餉逐漸短少往往入不敷出竭蹙情
形日甚一日本屆新收銀款較上屆計少至三十萬兩之多遂至
截存銀兩動放無存惟有隨時諄催各省關實力籌解冀免遇事
束手所有造報十五年正雜款項均係循照歷屆准銷成案撙節
支發實用實銷並無絲毫浮冒除分造細冊咨送各部核銷並將
以後用款接續造報外理合專摺具

奏並繕簡明清單恭呈

御覽伏乞

皇上聖鑒謹

奏

軍需交涉洋務片

光緒十六年十一月十六日

再准軍各營洋鎗礮隊水雷敎習人等辛工礮費輪船薪糧並購置外洋船械器具煙煤各價運解礮火輪船水腳及天津行營機器製造局委員人等薪糧公費工匠食料物購價等項多與洋人交涉均屬無例可循至操練後膛洋礮拉礮車馬餵養夫工係照奏定章程倒補馬匹例價分別核算支給業將截至光緒十四年十二月底止用款附片

奏銷在案伏查此次造報光緒十五年正月起截至是年十二月底止第十八案內前項各款遵照新章將增裁支用數目算入季報清冊先後咨部立案茲據該司道等按款復加查核係照案接續支給並奉文飭發均無浮冒遵章將支用款目各歸各部核銷計應歸戶部核銷敎習人等薪糧公費匠工拉礮駄運車馬餵養

等銀十萬二千四百三十三兩七錢有奇應歸兵部核銷輪船薪

糧夫工船價運腳保險費倒補馬價等銀三萬三千一百九十八

兩有奇應歸工部核銷油飾小修礮費購置外洋各項器具料物

價值等銀四萬五千二百六十六兩四錢有奇其計請銷銀十八

萬八百九十八兩二錢有奇照案分晰另造支銷細冊詳請附

奏前來臣查前項各營洋鎗礮隊敎習通事工匠人等辛工購買

物料洋軍火價值運腳各款多與洋人交涉無例可循仍應查照

歷屆成案據實請銷除將細冊咨送總理衙門戶兵工部核銷外

伏乞

聖鑒謹附片具

奏

淮軍水師報銷片

光緒十六年十一月十六日

再淮軍水師營哨各船均至光緒十五年夏秋間均應照章分別
修造前經飭撥經費修創業將動用各款數目列人季冊咨部立
案茲據報銷局司道等復加查核與定章及准給銀數均屬無浮
計應歸工部核銷銀三千七百三兩七錢有奇專案造具支銷細
冊詳請附

奏前來臣查前項修造舢舨戰船用款係照定章核實支給並無
浮冒自應據實請銷除將細冊分咨戶工部核銷外理合附片具
陳伏乞

聖鑒謹

奏

李金鏞請卹摺

光緒十六年十一月十六日

奏爲辦理漠河邊礦道員積勞病故懇

恩優卹恭摺仰祈

聖鑑事竊三品銜吉林補用道李金鏞經臣遵

旨奏派辦理黑龍江漠河金礦事務自光緒十三年五月由鄂爾
根入山勘道至十四年十二月在漠河設廠開工前後出金幾及
四萬兩礦務日有起色前據該道稟稱本年夏間時患怔忡氣逆
咳嗽血頭暈夜不成寐猶能力疾治事七月以後日難支持醫盲積
寒已深用心過度乞假靜養暫委該局提調候選知縣袁大化代
理廠務旋接電報該道於九月初四日在差次病故茲據袁大化
等稟請具奏前來臣查李金鏞江蘇無錫縣人同治元年由候選
同知投效臣單隨同克復常州無錫宜興各府縣城九年經前大

學士左宗棠派辦興安甘捐並轉運軍械糧餉光緒二年徐海一
帶奇旱官賑不能徧及該道首倡義賑南紳開風競起三年四年
直東晉豫大饑諸紳分道往賑該故道經辦山東之青州武定兩
府直隸之天津河閒冀州等處集資數十萬活民數十萬自是東
南義賑接踵而興十餘年來徧及各省論者咸謂該道徐海一役
實開風氣之先六年派修直隸西淀之千里長堤工堅費省旋經
前督辦吉林防務吳大澂奏調出關勘定奉吉兩界圍荒查出珲
春閒荒四十八處招集流民墾種遷回界外蘇城溝越墾華民數
千戶勘定黑頂子被俄人侵佔舊地畫清黑龍江東岸精奇里河
四十八旗屯被侵界址其署吉林府任內嚴禁抹兒以整錢法攤
丁於地以甦民困署長春廳任內裁革陋規清理積訟自捐廉俸
建書院立善堂其最得民心者尤在清查廓爾羅斯公地詳經調

任吉林將軍希元奏明永遠免丈加租一案至今關東稱循吏者
競言李高謂該故道及前署屬圖知府高同善也逮漠河之議辦
金礦也該處三面斗入俄界又以產金久爲俄人覬覦屢招游匪
潛入開挖頻年派兵驅除芽乾未靖屢經出使大臣劉瑞芬黑龍
江將軍恭鐘奏請開辦礦務以絕窺伺之萌仰蒙

寄諭垂詢飭臣選幹員前往籌辦地居絕徼集資匪易得人尤難
當以該員李金鏞熟悉邊情且於南中紳商信義久著奏明派令
招集股分前往開辦該道亦以事關重大慨然自任不敢辭避遂
勘道入山裹糧露宿披榛伐木皆自古行跡所未經歷四十餘日
經千九百里始達漠河漠河向無人煙建置之難則平地赤立購
運之費則千里孤懸往來轉解皆必由俄境屢俄船需費浩大口
舌百端兩年以來規模粗具十五年出金一萬九千餘兩本年正

月至八月出金一萬八千餘兩取金之峒夏則盛張冬則層冰組
深鑿堅備形艱險其初礦丁不耐工作旋集旋逃駕馭招徠殫盡
心力現招回流民二三千人悉恃礦務以爲生計調練防勇藉壯
聲威以前日之絕域窮荒自經營金礦以來商販漸興兵民相習
氣象迥非昔比邊外空虛之地得此措擇其間隱收實邊興利之
益方謂經理得人逐漸開拓有裨時局該道竟以積勞致疾遞隕
其生前此奏調漠河差委之同知姚嶽松知州劉域林等先後病
歿差次皆患怔忡咯血病狀略同蓋其地瘴癘毒惡凝寒中人而
經辦事件又極勞瘁險阻也李金鏞氣體素健自到廠後始有脾
洩心悸等疾經年隨從員役相繼死亡終無退悔歿後接其病中
稟臍區畫各事詳盡如常歎其忠懇之忱臨危不改卒以身殉深
可痛傷伏查李金鏞從戎服官並有功績生平遇有義舉無不踐

躍爭爲卽如天津之廣仁堂上海之撫卹局並其一手創辦利賴
至今而江北直東之救災吉林長春之治行尤彰彰在人耳目卓
然可傳出關十年周閱三省歷辦墾荒勘界並有益於邊務民生
而漠河一役力任艱難漸著成效勦久屯之規畫杜強敵之侵陵
尤屬中外大局所關默數邊才彌堪惋惜合無籲懇

天恩敕部將已故三品銜吉林補用道李金鏞照軍營立功後積
勞病故例從優議卹並將事蹟

宣付史館仍准在無錫縣原籍自行建祠以爲絕域勤事者勑除
將履歷事實清冊咨部外所有辦理邊礦道員積勞病故緣由理
合會同黑龍江將軍臣依克唐阿恭摺具陳伏乞

皇上聖鑒訓示謹

奏

袁大化接辦漠河礦務片

光緒十六年十一月十六日

再漠河礦務關繫重要李金鏞在差病故自應遴選大員前往接辦惟極邊寒苦之地強鄰密邇諸務掣肘人皆視為畏途一時實無得力可倚之人甚以派往候選知縣袁大化前隨吳大澂在吉林庫存一帶籌辦墾荒練兵事宜耐苦耐勞結實可靠上年經李金鏞稟調赴工研其膽識俱優足任艱鉅到工後派充該局提調襄助一切極為得力李金鏞以病請假卽派該員代理局務迄今數月屢次接閱稟牘規畫井然現值隆冬封東工作較簡出金漸稀該員方在力裁繁費支柱艱危且熟悉該處中外情形竟無出其右者昨接依克唐阿電稱地方靜謐諸臻就緒可令該員一手經理當由臣劄飭袁大化暫行接辦漠河礦務以專責成將來擇有才地相宜堪以派往之員再隨時奏明辦理理合會同黑龍江

將軍臣依克唐阿附片具陳伏乞

聖鑒謹

奏

李文忠公奏稿卷六十九